

欽定四庫全書

子部
石山醫案卷上

詳校官太醫院醫士臣趙正池

編修臣倉聖脈覆勛

總校官庶吉士臣何思鈞

校對官助教臣胡予襄

謄錄舉人臣吳之承



欽定四庫全書

子部五

石山醫案

醫家類

提要

臣

等謹案石山醫案三卷明陳楠編楠祁門

人學醫於同邑汪機因取機諸弟子所記機

治療效驗哀為一集每卷之中畧分門類為

次自宋金以來太平惠民和劑局方行於南

河間原病式宣明論方行於北局方多溫燥

欽定四庫全書

石山醫案

之藥河間主瀉火之說其流弊亦適相等元

朱震亨始矯局方之偏通河間之變而補陰

之說出焉機所作推求師意一書寔由戴元

履以溯震亨故其持論多主丹溪之法然王

氏明醫雜著株守丹溪主於過用苦寒機復

為論以辨之其文今附醫案之末則機亦因

証處方非拘泥一格者矣其隨試輒效固有

由也舊本又有機門人程鑄所作病用參耆



<p>論一篇又有機所作其父行狀及李汛所作 機小傳今亦併錄之備參考焉乾隆四十三</p>	<p>年六月恭校上</p>	<p>總纂官<small>臣</small> 紀昀<small>臣</small> 陸錫熊<small>臣</small> 孫士毅</p>	<p>總校官<small>臣</small> 陸費墀</p>	<p>欽定四庫全書</p> <p>石山醫案</p>		
--	---------------	---	--------------------------------	---------------------------	--	--



欽定四庫全書

石山醫案卷上

明 陳楠 撰

榮衛論

丹溪論陽有餘陰不足乃據理論人之稟賦也蓋天之
日為陽月為陰人稟日之陽為身之陽而日不虧稟月
之陰為身之陰而月常缺可見人身氣常有餘血常不
足矣故女人必須積養十四五年血方足而經行僅及

欽定四庫全書

石山醫案

三十餘年血便衰而經斷陰之不足固可驗矣丹溪揭
出而特論之無非戒人保守陰氣不可妄耗損也以人
生天地間營營於物役役於事未免久行傷筋久立傷
骨久坐傷腎久視傷神久思傷意凡此數傷皆傷陰也
以難成易虧之陰而日犯此數傷欲其不夭札也難矣
此丹溪所以立論垂戒於後也非論治陰虛之病也若
遇有病氣虛則補氣血虛則補血未嘗專主陰虛而論
治且如產後的屬陰虛丹溪則曰右脉不足補氣藥多



於補血藥左脉不足補血藥多於補氣藥丹溪固不專
主於血矣何世人昧此多以陰虛而於甘溫助陽之藥一毫不
凡百諸病一切主於陰虛而於甘溫助陽之藥一毫不
敢輕用豈理也哉雖然丹溪謂氣病補血雖不中亦無
害也血病補氣則血愈虛散是謂誅罰無過此指辛熱
燥烈之劑而言亦將以戒人用藥寧可失於不及不可
失於太過蓋血藥屬陰而柔氣藥屬陽而剛苟或認病
不真寧可藥用柔和不可過於剛烈也書曰罪疑惟輕

欽定四庫全書

石山醫案

功疑惟重本草曰與其毒也寧善與其多也寧少之意
正相合也雖然血虛補氣固為有害氣虛補血亦不可
謂無害吾見陽虛氣弱不能運行血越上竅者多用四
物湯涼血之藥反致胸腹痞悶飲食少進上吐下瀉氣
喘嘔血去死不遠豈可謂無害耶是以醫者貴乎識病
真耳

或又曰人稟天之陽為身之陽則陽常有餘無待於
補何方書尚有補陽之說予曰陽有餘者指衛氣也



衛氣固無待於補而營之氣亦謂之陽此氣或虛或盈虛而不補則氣愈虛怯矣經曰怯者著而成病是也况人於日用之間不免勞則氣耗悲則氣消恐則氣下怒則氣上思則氣結喜則氣緩凡此數傷皆傷氣也以有涯之氣而日犯此數傷欲其不虛難矣虛而不補氣何由行或問丹溪曰人身之虛皆陰虛也若果陽虛則暴絕死矣是陽無益於補也又曰氣無補法世俗之言也氣虛不補何由而行是氣又待於

欽定四庫全書

石山醫案

補也何言之背戾耶予曰經云衛氣者水谷之悍氣也慄疾不受諸邪此則陽常有餘無益於補者也朱子曰天之陽氣健行不息故閣得地在中間一息或停地即陷矣與丹溪所謂陽虛則暴絕同一意也此固然矣使陰氣若虛則陽亦無所依附而飛越矣故曰天依形地附氣丹溪曰陰先虛而陽暴絕是知陽亦賴陰而有所依附也此丹溪所以拳拳於補陰也經曰營氣者水谷之精氣入於脉內與息數呼吸應



此即所謂陰氣不能無盈虛也不能不待於補也分而言之衛氣為陽營氣為陰合而言之營陰而不稟衛之陽莫能營晝夜利關節矣古人於營字下加一氣字可見衛固陽也營亦陽也故曰血之與氣異名而同類補陽者補營之陽補陰者補營之陰又况各經分受有氣多血少者有血多氣少者倘或為邪所中而無損益則藏府不平矣此內經所以作而醫道所以興也譬如天之日月皆在大氣之中分而言之

欽定四庫全書

石山醫案

日為陽月為陰合而言之月雖陰而不稟日之陽則不能光照而運行矣故古人於陰字下加一氣字可見陽固此氣陰亦此氣也故曰陰中有陽陽中有陰陰陽同一氣也周子曰陰陽一太極是也然此氣有虧有盈如月有圓有缺也聖人裁成輔相即醫家用藥損益之義也是知人參黃芪補氣亦補營之氣補營之氣即補營也補營即補陰也可見人身之虛皆陰虛也經曰陰不足者補之以味參芪味甘甘能生



血非補陰而何又曰陽不足者溫之以氣參芪氣溫
又能補陽故仲景曰氣虛血弱以人參補之可見參
芪不惟補陽而亦補陰東垣曰血脫益氣仲景曰陽
生陰長義本諸此世謂參芪補陽不補陰特未之考
耳予謂天之陽氣包括宇宙之外即易所謂天行健
內經所謂大氣舉之者是也此氣如何得虛虛則不
能畜住地矣天之陰聚而成形形者乃地之坤也
故曰天依形地附氣可見人身之衛即天之乾人身

欽定四庫全書

石山醫案

之形即地之坤營運於藏腑之內者營氣也即天地
中發生之氣也故以氣質言衛氣為陽形質為陰以
內外言衛氣護衛於外為陽營氣營養於內為陰細
而分之營中亦自有陰陽焉所謂一陰一陽互為其
根者是也若執以營為衛配而以營為純陰則孤陰
不長安得營養於藏府耶經曰營為血而血即水朱
子曰水質陰而性本陽可見營非純陰矣况氣者水
之母且天地間物有質者不能無虧盈既有質而虧



盈血中之氣亦不免於虧盈矣故丹溪以補陰為主
固為補營東垣以補氣為主亦補營也以營兼血氣
而然也

答提學黃公如金所患書

生樸檉小材山林迂士其於岐黃之書盧扁之術僅惟
得其糠粃而已升堂入室誠有所未能也茲蒙召置左
右以脩顧問夙夜祇懼惟恐弗堪雖然一得之愚不敢
不盡是以忘其固陋謹述以聞古人所謂芻蕘之言狂

欽定四庫全書

石山醫案

夫之語庶幾或有可采者也伏惟天寬地容海涵春育
人不求備才不求全片言有取寸長必錄又且不作聰
明不大聲色靡恃其長毋執其見舍己從人不知有彼
此之別使各得以紓其情也用上敬下相忘於勢利之
場俾皆得以盡其辭也是知所言或謬殆必視如道傍
苦李唾而去之而已必不索我於形骸之外以言而見
責焉然生侍側有日聆誨已久因而察其受病之源詳
其致病之因不過心過於勞而已何則心為血主而血



又所以養心血屬陰而主靜惟靜則可以生水故曰靜則生陰是也苟或心過於勞則主動而屬陽矣陽則火之象也故曰動則生陽丹溪亦曰諸動屬火動極火熾陽亢陰微血愈虧損而心失所養矣是以睡卧不寧夜夢紛紜職皆由於此也經云主閉藏者腎也腎主相火上係於心心既動勞則相火隨起而熱則流通矣是以閉藏之腎反暗流踈瀉而夢遺精滑之疾有所不能免矣醫書所謂情動於中精淫於外是也經云東方實西方

欽定四庫全書

石山醫案

虛心勞火動則西方之金愈虛而東方之木愈實脾土得不為之傷乎脾土既傷是以上或為嘔下或為瀉中或畏食之病莫不層出而疊見矣由是探本索元其初固在於心而支流餘裔不免延及他藏而亦有所損也又嘗參之以脉夫左寸心脉所出也或時而浮洪或時而斂小蓋由心之勞逸不常以致脉之大小無定勞則心動而火熾故脉為之浮洪而躁擾逸則心安而氣和故脉為之斂小而恬靜所可喜者肝腎二部脉靜而有



常久而不變是知相火雖或有時而動而勢未至於燎
原也故今病未即瘳而終有可瘳之理邪未即伏而終
有可伏之機尚復何慮之有右手三部肺脾命脉之所
出也亦或浮而稍洪又或小而稍弱良由火來侮肺又
乘於脾遂延及命門以致然耳故曰火性躁擾強越其
燔灼之禍無不著於物也或時小而稍弱者蓋府藏之
陰血陽氣未免為火暗傷而陰損故火旺之時脉來浮
洪而獨見火象及火靜之後則邪伏而虛見矣脉之小

欽定四庫全書

石山醫案

而弱者寧不基於此乎或曰血為火銷吾固聞其說矣
而氣當賴之以為助何謂亦傷其陽乎經曰少火生氣
壯火食氣夫少火固可以生氣而壯火火之旺甚也安
得不食其氣而損之乎又曰熱傷氣故暑月多致人無
氣以動怠惰嗜卧可見火之傷氣不待辨而明矣又何
疑之有哉生於是察其脉切其病反復精思參互考証
其所治之方無出於八物湯之外也或者專主四物滋
陰加黃栢知母玄參生地之屬以降火此固一說也未



免寒傷胃氣而嘔瀉畏食之病莫能去矣或者專主四君子以養陽加溫煖消導燥熱之劑以助胃此亦一理也未免陽剛傷陰而夜夢遺精之患不能除矣求其萬舉萬全而無一徧之害者還當以八物為主一則可以養陰而心火不至於太熾一則可以養陽而脾土不至於太傷其他清金降火安神固腎之藥又當因其時月之宜酌其病之輕重更相出入遞為佐使庶得變通之妙而免執中無權之誚矣守此以治而謂病之不痊吾

欽定四庫全書

石山醫案

未之信也抑猶有說焉夫人生氣交之中孰能無欲所謂欲者非特色欲之欲凡耳之於聲目之於色鼻之於臭口之於味皆所謂欲也周子曰欲動則情熾熾從火則火之熾可知矣丹溪所謂諸動屬火其原蓋出於此歟故聖賢教人不欲窒欲則曰寡欲此善治乎火也不此是務而惟日以百憂感其心萬事勞其形惟恃刀圭之劑以求旦夕之功是謂舍本而逐末徇外以遺內也豈自根自本之論哉今之所患誠能內觀以養神存心



以養性則水可升火可降坎離交而地天泰矣又何待
於籠中物耶且胃氣者清純冲和之氣也凡藥之氣皆
偏非若五穀可常食也苟不知此而惟藥之是耽則胃
氣之存者幾希矣有志養生者不可以不謹生既以症
治之方而詳之於前復以存養之要而申之於後無非
致其叮嚀忠愛之意也伏乞高明議之以訂是否

條答福建舉人謝邦實所患書

一所示大便多燥而色赤竊意燥赤亦熱所為

欽定四庫全書

石山醫案

大便燥赤固熱所為亦挾血虛蓋大腸屬陽明燥金
血旺則便潤血少則便燥且腎主大便而亦屬血也
由此論之則血虛兼熱為兩盡矣

一所示夜卧少寧舌生黑胎唇口焦燥靜養服藥二三
日胎始退不知降火去胎之藥更有何方法唇舌焦
乾更何調理

此項數病皆生於心何則心主血脉心血一虧則陽
熱隨起故夜卧不寧唇舌焦燥黑胎之病層出而疊



見矣且舌乃心之苗心火亢極故舌生黑胎靜養二
三日而始退者蓋靜養則陰生陰生則陽伏矣周子
所以定之以中正仁義而主靜者良以此也降火去
胎潤唇滋燥之藥恐無出於四物再加麥門冬五味
黃栢知母之屬

一所示目力亦短五步之內於人多不能識直視天日
惟濛濛紛紛白花矣白精血縷不斷睡醒反漬淚
東垣云能遠視不能近視氣有餘血不足也能近視

欽定四庫全書

石山醫案

不能遠視血有餘氣不足也今貴目既不能視遠又
不能視近此氣血俱不足也直視天日惟見白花白
花乃肺之象何則肺為氣主屬金而燥肺金一虛火
來易侮且天與日皆陽火也虛金受侮於天日之陽
火故白花紛紛散漫而見於前矣白精血縷不斷睡
醒反漬淚者屬於肝火之動也經云肝熱甚則出淚
是矣所治之方要當滋腎水以制火保肺氣以畏木
則眼中諸疾雖不期愈而自愈矣然加減補陰丸正



與病對先生宜詳審之

一所示腎覺衰甚不敢勞動惟有患則腰足痠痛或右
腎痠疼或久立或勞皆然意區區氣病居多故所患
右體偏多見鬚白眼赤多自右為甚

夫人之一身氣血周流細而分之則氣屬於右血屬
於左氣屬於右則右體不免氣旺而血劣也且先生
亦中年已後血氣日減加之右體氣旺血劣宜乎腰
足痠疼右腎時痛鬚白眼赤之症多見於右也補腎

欽定四庫全書

石山醫案

藥方亦無出於加減補陰丸藥生當別楮以呈

一所示勞倦時小便旁射散逆如絲不得順直意皆氣
之不足藥之不專勞而失養然歟

此條先生以為氣之不足藥之不專勞而失養之所
致以予觀之誠不出此三之外但先生徒托諸空言
不見諸行事是以病根不除時作而時止矣

一所示近來腰復微痛坐久屈伸不便右側腰腿相接
處曰環跳穴旁多酸痛



夫腰者腎之外候蓋由腎水衰虛於內以致腎之外候或微痛或屈伸不便或環跳穴旁酸痛也環跳雖屬膀胱膀胱亦腎之府未有藏病而府不病也

一示孤骨下間有火熱或升於右脚股一團三指許有時微熱如燈照

丹溪有曰火自湧泉穴起者乃火起自九泉也孤骨須亦屬於膀胱與腎相為表裏而又近於湧泉即此觀之是亦腎水衰少不足以制火而火起於九泉之

欽定四庫全書

石山醫案

類也此宜滋養腎水以制妄火經云滋陰水以制陽光是也

疫

一人年弱時房勞後忽洒洒惡寒自汗發熱頭闕胃脘皆痛唇赤舌強吐眼胞青色醫投補中益氣午後謔語惡熱小便長初日脉皆細弱而數次日脉則浮弦而數醫以手按臍下痛誼欲下之遣書來問予曰疫也疫兼兩感內傷重外感輕耳臍下痛者腎水虧



也若用利藥是殺之也古人云疫有補有降有散茲
宜合補降二法以治別清暑益氣湯除蒼朮澤瀉五
味加生地黄芩石膏服十餘貼即安

瘧

邑人汪大尹年幾七十形色蒼白勞倦病瘧瘧止胸膈
痞悶心惡痰多不思飲食懶倦口苦頭痛夜夢紛紜
兩腿時癢予為診之脉皆浮濡無力且過於緩醫書
云脉緩無力者氣虛也又云勞則氣耗又云勞倦傷

欽定四庫全書

石山醫案

脾脾傷不能運化精微以養其心故心神為之不安
宜倣歸脾湯例治之人參二錢麥門冬白朮各一錢
歸身酸棗仁茯神各八分黃芩陳皮各六分枳實甘
草各五分川芎七分煎服二貼夜卧頗安但藥後覺
嘈食則吞酸口淡減去枳實加山查七分吳茱萸二
分服之仍用參朮歸芎山枝山查丸服而愈
一人年逾四十形瘦色紫淡素勞傷脾予令常服參苓
白朮散獲安住藥一年復勞飲冷酒不爽是夜頭又



被濕遂致身冷不安早起面目俱黃醫用零筋草根
酒煎服之吐瀉大作又加姜煎則心熱膈壅不進飲
食大便秘結瘧作胸膈痞塞粥飲不入食此湯則噯
此氣□逆吐涎意向甚惡予診左脉浮濡無力肝脉
頗弦右脉肺部濡散脾部浮微二部脉皆似有似無
或呼攻相引又覺應指曰此脾虛之極也初因勞熱
飲冷頭又被濕內熱因鬱故發為黃若用搐藥以泄
上焦濕熱則黃自退乃用草藥酒煎濕熱雖行而脾
氣存也幾希且勿治瘧當用補脾為急用人參五錢
橘紅一錢時時煎湯呷之令其且莫食粥以回胃氣
彼如所言旬餘乃愈

一人年逾四十不肥不瘦形色蒼白季秋久瘧醫用丹
劑一丸止之嘔吐不休粒米不入大便或瀉面赤妄
語身熱予診脉皆浮而欲絕仲景云陽病得陰脉者
死今面赤身熱妄語其症屬陽而脉微欲絕則陰脉
矣此一危也經曰得穀者昌失穀者亡今粒米不入

欽定四庫全書

石山醫案



此二危也又曰泄而熱不去者死今數泄瀉而面赤
身熱不除此三危也以理論之法在不治古人云治
而不愈者有也未有不治而愈者也令人參五錢
白朮二錢御米一錢橘紅八分煎服四貼漸有生意
一人年近三十形瘦淡紫八月間病瘧予診之左脉頗
和而駛右脉弱而無力令用清暑益氣湯加減服之
覺胸膈痞悶遂畏人參更醫作瘧治而瘧或進或退
服截藥病稍增延至十月復邀予診脉皆浮小而濡

欽定四庫全書

石山醫案

帶數右則尤近不足曰正氣以虛邪留不出瘧尚不
止也宜用十全大補湯減桂加苓倍參服之漸愈
一人年逾三十形瘦色蒼八月間病瘧或用截藥或用
符水延纏不愈胸膈痞滿飲食少進大腸痔血小便
短赤瘧發於夜寒少熱多自汗予診左脉濡小而緩
右脉濡弱無力曰此以瘧傷脾也用人參二錢白朮
歸身茯苓各一錢芍藥八分黃芩七分枳實五分陳
皮六分甘草四分煎服後因痔血未止吞槐角丸而



血愈多仍服前方而血減矣

一婦面色淡紫年逾四十九月病瘧夜發渴多汗嘔吐
粒食不進數日予診脉皆浮濡而緩按之無力遂用
人參五錢橘紅八分甘草七分白朮一錢煎服十餘
貼瘧止食進漸有生意但大便二十日不通再診右
脉浮小無力左脉沉弱無力前方加歸身一錢火麻
仁錢半如舊煎服病除

一婦年逾三十瘦長淡紫六月產八月瘧瘧止胸膈痞

欽定四庫全書

石山醫案

悶纔勞氣喘咳血身熱脚冷予診左脉濡弱右脉肺
部頗洪關尺二部亦弱以生地黃白芍麥門冬白朮
各一錢阿膠歸身牡丹皮各七分人參八分陳皮五
分煎服一貼再令熱服瀉止膈快但盜汗而脚即軟
矣前方加黃芪錢半黃栢七分依前煎服而安
一人年三十形色蒼白因勞感熱九月盡病瘧頭痛口
渴嘔吐胸膈痞塞不進飲食自汗倦怠熱多寒少醫
用截藥病增過飲水吐甚予診脉皆浮大而濡頗弦



曰此勞倦傷脾熱傷氣之瘧也令人參三錢黃芪
錢半白朮麥門冬各一錢枳實五分山查七分歸身
黃栢知母各七分乾姜甘草各三分煎服三貼病減
復勞病作前方人參加作四錢服之向安

一人年三十以瘧醫用補中益氣湯或止或作延及半
年因解髮結勞傷咳嗽醫以前方加半夏五味遂致
喉痛聲啞夜不能寢邀予視之右脉浮濡左脉小弱
曰經云陰火之動發為喉痺是也此必色欲不謹以

欽定四庫全書

石山醫案

服參芪徒增肺中伏火耳令以柑桔湯加鼠粘子蜜
炙黃栢煎服二貼喉痛除而聲出繼服保和湯五貼
而安

一人年三十餘形瘦淡紫素勞以瘧三日一發於夜嘔
吐熱多寒少不進飲食小便頻數氣喘咳嗽日夜打
坐不能伏枕幾月矣頭身骨節皆痛醫作瘧治病甚
衆皆危之脉皆浮虛緩弱而不甚大予以參朮加陳
皮黃栢枳實知母麥門冬北五味煎服三貼病退越



二日復病令用四物加童便服之則嗽除喘止始能
就卧再用八物湯除茯苓加枳實香附又用枳朮丸
加人參砂仁歸身黃芩吞服調理熱來常服童便半
年而安

一婦形色脆白年五十餘憂勞六月背瘡艾灸百餘壯
瘡散病瘧身熱自汗口渴頭暈嘔吐泄瀉不進飲食
寒少熱多自用清暑益氣湯病甚予診左脉浮微似
有似無右脉浮小按之不足曰病雖屬瘧當作虛治

欽定四庫全書

石山醫案

依方而用清暑益氣固與病宜但邪重劑輕病不去
耳令以參朮加作五錢芪三錢茯苓一錢陳皮七分
甘草五分煎服病退

一人於嘉靖九年因冒風病瘧熱多寒少頭痛倦怠食
少自汗已服參蘇飲一貼予適在彼診之脉皆浮虛
近駛曰此虛瘧也非參蘇飲所宜令將平日所服參
芪歸朮等藥煎服五六貼而愈且諭之曰元氣素虛
不宜發散凡遇一切外感必須以補元氣為主少加



發散之藥以輔佐之庶為允當宜永識之

一婦常患咳嗽加以瘧疾因仍左脇有塊瘧止有孕嗽
尚不寧喉乾痰少或時嘔出頑痰鐘許方止夜亦如
是常覺熱盛胸膈壅滿背心亦脹常要打摩妊已六
月夜半如廁身忽寒戰厚覆少頃乃愈越兩日夜半
又發寒熱如瘧肢節痛上身微汗口中覺吐冷氣胸
喉如有物礙心前虛腫按之即痛頭痛氣喘坐卧不
寧醫作傷寒發散又作痰症而用二陳不效予往視

欽定四庫全書

石山醫案

之脉皆濡而近滑曰胃虛血熱也先以四君子湯加
黃芩枳壳麥門冬煎服二三貼以保胃氣繼以四物
湯加栝榔枳壳麻仁大黃三服下之遂滯下後重虛
坐努責怠倦不食時或昏悶亂叫食則脹不食饑四
肢痛脚腫予曰胃虛非湯藥所宜令合枳朮凡加人
參當歸黃芩服月餘諸症悉除胎亦無損

一人形瘦色脆年幾三十正德十年四月腹痛惟覺氣
轉左邊五日而止次年四月亦然八月病瘧間日一



發寒少熱多十餘日止第三年四月八月如舊腹痛
瘧作四年五年四月八月亦然但瘧作腹痛瘧止痛
止旬餘瘧除又瀉痢十餘日瀉止瘧又作但不腹痛
五日瘧瘧仲冬感寒頭痛發熱腹及右脇脹痛氣喘
澹瀉內黑外紅日夜五六次內熱不減飲食難進醫
用三乙承氣湯二貼繼用木香枳朮丸諸症稍定午
後內熱愈熾遇食愈脹得瀉畧寬頭痛不減詣予診
治脉皆浮濡近駛曰氣屬陽當升虛則下陷矣又屢

欽定四庫全書

石山醫案

服消尅攻下之劑所謂虛其虛也安得不脹而頻瀉
乎經云下者舉之其治此病之謂歟或曰脹滿者氣
有餘也積塊者氣固結也經云結者散之有餘者損
之今有餘而補固結而益何謂予曰人身之氣猶天
之風風性剛勁揚沙走石孰能禦之孟子曰至大至
剛是也餒則為物障蔽反以為病若能補養以復其
剛大之性則衝突排蕩又何脹滿不散積塊不行經
曰壯者氣行則愈怯者著而成病是也蓋氣之強壯



者則流動充滿或有積滯亦被衝突而行散矣何病之有氣之怯弱則力小遲鈍一有積滯不免因仍承襲積著成病故此病法當升陽益胃遂以參苓白朮散煎升麻湯調服月餘仍令丸服一料而愈

一人形瘦色脆年三十餘八月因勞病瘧寒少熱多自汗體倦頭痛胸痞畧欬而渴惡食大便或秘或澹發於寅申巳亥夜醫誼欲從丹溪用血藥引出陽分之例治之予診其脉濡弱近駛稍弦曰察形觀色參脉

欽定四庫全書

石山醫案

乃屬氣血兩虛瘧已深入厥陰矣專用血藥不免損胃又損肺也淹延歲月久瘧成癆何也自汗嗽渴而蒼朮白芷豈宜例用惡食胸痞而血藥豈能獨理古人用藥立例指引迷途耳因例達變在後人推廣之也遂以補中益氣湯加川芎黃栢枳實神麩麥門冬倍用參芪朮煎服三十餘貼諸症稍除瘧猶未止乃語之曰今當冬氣沉潛瘧氣亦因之以沉潛難使浮達况汗孔亦因以閉塞經曰瘧以汗解當此閉藏之



時安得違天時以汗之乎且以參朮枳實陳皮歸身
黃芩丸服胃氣既壯來年二月瘧當隨其春氣而發
泄矣果如期而安

一人年三十形色頗實初因舟行過勞受熱咳嗽不已
續又病瘧素有熱淋求醫服藥或作或輟回家予為
診之脉皆濡弱近緩左尺畧駛曰此熱傷氣也肺為
氣主氣傷肺亦傷矣故發咳嗽其瘧亦因熱而作令
用人參錢半白朮麥門冬茯苓各一錢歸身知母各

欽定四庫全書

石山醫案

七分青皮黃栢甘草各五分煎服而安九月復舟行
過勞感熱其瘧復作或一日一發或二日一發或三
日一發或連發二日回家醫作瘧治不效仍用前方
煎服遂安

一人年三十六月因勞取涼夢遺遂覺惡寒連日慘慘
不爽三日後頭痛躁悶家人診之驚曰脉絕矣議作
陰症欲進附子湯未決邀予往治曰陰症無頭疼今
病如是恐風暑乘虛入於陰分故脉伏耳非脉絕也



若進附子湯是以火濟火安能復生姑待以觀其變
然後議藥次日未末申初果病寒少熱多頭痛躁渴
痞悶嘔食自汗大便或瀉或結脉皆濡小而駛脾部
兼弦此非尋常驅瘧燥烈劫劑所能治遂用清暑益
氣湯減蒼朮升麻加柴胡知母厚朴川芎以人參加
作二錢黃芪錢半白朮當歸各一錢煎服二十餘貼
而愈

本縣二尹大人北人形長魁偉年逾四十六月舟中受

欽定四庫全書

石山醫案

熱病瘧寒少熱多頭疼躁渴汗多醫用七保飲治之
不愈予診其脉浮濡而駛畧弦曰此暑瘧也以白虎
湯加人參三錢煎服十餘貼而瘧止

侍御程公形色清脆年餘四十素善飲形色蒼熱病頭
痛惡食泄瀉小便短少午後惡寒發熱醫用二陳平
胃五苓共一服治不退反增腰腹拘急邀予診視脉
皆濡弱頗弦而駛曰耗血傷胃惟酒為甚復加以時
熱外傷其氣內外兩傷法當從補若用草菓檳榔常



山半夏燥烈之劑譬猶抱薪救火寧不益其病耶遂
以人參二錢黃芪錢半以益皮毛不令汗泄白朮茯
苓石膏麥門冬各一錢以導濕熱不使傷胃知母青
皮神麩黃芩歸身川芎柴胡各七分以消積滯而和
表裏少加甘草三分煎服十餘貼瘧止後以參苓
散常服收功

一人年三十餘八月因勞病瘧詣予診治脉皆六至而
數無力曰古人云形瘦色黑者氣實血虛也又云脉

欽定四庫全書

石山醫案

數無力者血虛也間日發於午後亦血分病也以色
脉論之當從血治但今汗多乃陽虛表失所養消穀
善饑乃胃虛火乘其土皆陽虛也仲景法有憑症不
憑脉者茲當憑症作陽虛治以參芪各三錢白朮白
芍麥門冬各一錢歸身生地甘草各七分黃栢知母
陳皮各五分煎服二十餘貼而安若用尋常驅瘧劫
劑寧免後艱

予年逾六十形質近弱八九月酷熱時往來休歛外有



藥劑之功內有病者之憂內外弗寧晝夜不靜至十月初旬瘧作三日午後一發寒不甚寒熱不甚熱喜熱惡寒寒去熱來則爽快矣口乾微渴臨發昏倦嗜卧左脉沉小而數右脉浮濡無力亦近於數獨脾部弦而頗洪瘧去則脉皆大小浮沉相等惟覺緩弱而矣初服補中益氣湯十餘貼病無加減夜苦盜汗繼服當歸六黃湯黃芪每貼四錢五貼汗止瘧如舊再服白虎湯人參四錢石膏三錢知母一錢甘草六分

欽定四庫全書

石山醫案

米一撮煎服十餘貼而瘧止矣

一人瘦長脆白年三十餘久瘧後盜汗自汗過多加以傷食吐瀉大作吐止而瀉四日不住筋惕肉瞤驚悸夢遺小便不禁予診脉皆緩弱右則畧弦而濇曰此下多亡陰汗多亡陽氣血虛也遂以參芪為君白朮為臣山枝麥門冬牡蠣為佐酸棗歸身山查為使加以薄桂煎服旬餘諸症稍退半年之間常覺臍下內熱一團烘烘不散時或夢遺浮梁孫醫誼作熱鬱固



欲下之予曰此非有餘之熱乃陰虛生內熱耳若欲下之是殺之耳宜以前方加黃栢熱當自退果驗

一人年十七八時因讀書饑感寒得瘧延纏三年瘧愈

寒氣臍左觸痛熱熨而散仍或發或止後因新娶往

縣復受饑寒似病傷寒吐二日夜不止接服理中湯

補中益氣湯固本丸補陰丸猪肚丸其吐或作或止

飲食或進或不進續後受饑勞倦食則飽悶予至午

前睡安畧爽食稍進午後氣升便覺脹悶胸膈漉漉

欽定四庫全書

石山醫案

水響四肢微厥吐水或酸或苦亦有間日吐者大便

燥結小便赤短身體瘦弱不能起止予曰須不見脉

見症必是稟賦素弱不耐饑寒宜作飲食勞倦為主

而感冒一節且置諸度外夫氣升脹悶觸痛者脾虛

不能健運以致氣鬱而然胸膈漉漉水聲謂之留飲

乃用獨參湯補養其氣血加姜以安其嘔吐黃栢以

降其逆氣初服三貼臍左痛除吐止將人參加作一

兩吐又復作此由補塞太過而無行散佐使故也人



參減作七錢附五分炮姜七分半夏八分蒼朮七分
厚朴七分茯苓一錢服至二十餘貼吐止食進餘病
皆減頗喜肉味以手揉擦其肚尚有水聲汨汨微感
寒腹中氣猶微動或時鼻衄數點近來忽瀉二日而
自止纔住前藥又覺不爽前方加黃芪四錢山枝七
分減黃栢如舊煎服或曰吐水或酸或苦大便閉燥
小便赤短諸書皆以為熱凡病晝輕夜重諸書皆為
血病今用姜附何也予曰吐水酸苦由脾虛不能行

欽定四庫全書

石山醫案

濕濕鬱為熱而水作酸苦也姜附性熱辛散濕逢熱
則收鬱逢熱則散濕收鬱散酸苦自除大便燥結者
由吐多而亡津液也小便短少由氣虛不能運化也
茲用人參以養血氣則血潤燥除氣運溺通矣若用
苦寒之藥則苦傷血寒傷氣寧不愈益其病哉日輕
夜重為血病者道其常也此則不然須似血病而實
氣病也醫作血病而用固本補陰等藥反不解非血
病可知所以日輕者日則陽得其位而氣旺故病減



夜則陽失其位而氣衰故病重經曰至於所生而持
自得其位而起是也故病則有常有變而醫不可不
達其變也病將愈猶或鼻衄數點者此浮溜之火也
加山枝氣味薄者以潛伏之久當自愈後聞食母猪
肉前病復作予曰臟腑習熟於藥病亦見化於藥再
無如之何矣

鼻衄流涕

一人形近肥而脆年三十餘內有寵妻三月間因勞感

欽定四庫全書

石山醫案

熱鼻衄久而流涕不休臭穢難近漸至目昏耳重食
少體倦醫用四物涼血或用參芪補氣罔有效者邀
予診視脉皆浮濡而滑按之無力曰病不起矣初因
水不制火肺因火擾涕流不休經云肺熱甚則出涕
是也况金體本燥津液日泄則燥者枯矣以則頭面
諸陽之液亦因以走泄經云枯澁不能流通逆於肉
理乃生癰腫是也予歸月餘面目耳傍果作癰瘡而
卒後見流涕者數人亦多不救



脇痛

予婿王琇客揚州病脇痛醫以為虛用人參羊肉補之其痛愈甚鎮江錢醫治以龍會丸痛減予聞冒雪自蕪湖徒行至彼診之脉皆弦濡而弱曰脾胃為痛所傷尚未復也遂用橘皮枳朮丸加黃連當歸服之而安越五年腹脇插痛彼思頗類前病欲服龍會丸末決予又衝寒陸路至彼遂親扶持不成寐者數晚診之脉皆濡弱而緩曰前病屬實今病屬虛非前藥可

欽定四庫全書

石山醫案

治也遂以人參為君芎歸芍藥為臣香附陳皮為佐甘草山枝為使煎服十餘貼痛止而食進矣又後十餘年來賀予壽病滯下腹痛後重日夜四五十行診之脉皆濡弱近駛曰此熱傷血也以四物加檳榔大黃下之四五行腹痛稍減後重不除仍用前方除大黃服十餘貼續吞香連凡獲安三病予三起之其勞甚矣情係丈婿恩同父子不知彼以父視我乎以人視我乎



黟縣丞年逾五十京回兩脇肋痛醫用小柴胡湯痛止
續後復痛前方不効請予往治脉皆弦細而濡按之
不足曰此心肺為酒所傷脾腎為色所損兩脇脹痛
相火亢極肝亦自焚經云五臟已虛六府已極九候
須調者死此病之謂歟果卒

鼓脹

一人年逾四十春間患脹醫用胃苓湯及雄黃傳貼法
不効邀予診視脉皆緩弱無力曰此氣虛中滿也曾

欽定四庫全書

石山醫案

通利否曰已下五六次矣予曰病屬氣虛醫反下之
下多亡陰是謂誅罰無過也故脉緩知其氣虛重按
則無知其陰亡陽虛陰亡藥難倚仗八月水土敗時
實可憂也乃問予曰今不與藥病不起耶嘗聞脹病
臍突不治肚上青筋不治吾今無是二者予曰然也
但以傷於藥故且停服明日遂歸如期果卒
一婦形瘦弱小脉細濡近駛又一婦身中材頗肥脉緩
弱無力俱病鼓脹大如箕垂如囊立則垂墜遮欄兩



腿有礙行步邀子視之曰腹皮寬絕已定非藥可斂也惟宜安心寡欲以保命爾後皆因產而卒或曰鼓脹如此何能有孕予曰氣病而血未病也產則血亦病矣陰陽兩虛安得不死又一婦瘦長蒼白年餘五十鼓脹如前二婦頗能行立不耐以遠越十餘年無恙恐由寡居血無所損故得以延

一人年踰四十瘦長善飲診之脉皆洪滑曰可治脉訣云腹脹浮大是出厄也但濕熱太重宜遠酒色可保

欽定四庫全書

石山醫案

終吉遂以香連丸今日吞三次每服七八十九月餘良愈

一人年三十餘酒色不謹腹脹如鼓醫用平胃散廣茂潰堅湯不効予為診之脉皆浮濡近駛曰此濕熱甚也遠酒遠色庶或可生彼謂甚畏湯藥予曰丸藥亦可遂以枳朮丸加厚朴黃連當歸人參荷葉燒餒丸服一月果安越三餘月不謹復脹再為診之曰不可為也臍突如脹長二尺餘逾月而卒臍突寸餘者有



矣長餘二尺者亦事之異故為記之

莖中蟲出

休邑西山金舉人嘗語人曰渠嘗病小腹甚痛百藥不應一醫為灸關元十餘壯次日莖中淫淫而癢視之如蟲出四五分急用鐵鉗扯出果蟲長五六寸連日蟲出如此者七條痛不復作初甚驚恐後則視以為常皆用手扯此亦事之偶中也仲景云火力須微內攻有力蟲為火力所逼勢不能容故從溺孔出也其

欽定四庫全書

石山醫案

人善飲御內膀胱不無濕熱遇有留血瘀濁則附形蒸鬱為蟲矣經云濕熱生蟲有是理也故癆蟲寸白蟲皆由內濕熱蒸鬱而生非自外至者也正如春夏之交濕熱鬱蒸而諸蟲生焉是矣此亦竒病故記之

身痒

一人年逾六十形瘦蒼紫夜常身痒搔之熱蒸皮內肉磊如荳粒癢止熱散肉磊亦消矣醫用烏藥順氣升麻和氣等不効詣予診之脉皆細濡近駛曰此血虛



血熱也醫為順氣和氣所謂誅罰無過治非所宜遂
以生地玄參白蒺藜歸芎芪芍黃芩甘草陳皮煎服
月餘而愈

膈噎

一人年六十餘色紫平素過勞好酒病膈食至膈不下
則就化為膿痰吐出食肉過宿吐出尚不化也初卧
則氣壅不安稍以則定醫用五膈寬中散下沉透膈
湯或用四物加寒涼之劑或用二陳加耗消之劑罔

欽定四庫全書

石山醫案

有效者來就予治脉皆浮洪弦虛予曰此大虛症也
醫見此脉以為熱症而用涼藥則愈助其陰而傷其
陽若以為痰為氣而用二陳香燥之劑則愈耗其氣
而傷其胃是以病益甚也况此病得之酒與勞也酒
性酷烈耗血耗氣莫此為甚又加以勞傷其胃且年
踰六十血氣已衰脉見浮洪弦虛非吉兆也宜以人
參三錢白朮歸身麥門冬各一錢白芍藥八分黃連
三分乾姜四分黃芩五分陳皮七分香附六分煎服



五貼脉歛而膈頗寬食亦進矣

淋

一人形肥蒼白年五十餘病淋沙石澁痛醫用五苓或琥珀八政散之類病益加邀予往診脉皆濡弱而緩近駛曰此氣血虛也經云膀胱者津液之府氣化出焉今病氣虛不惟不能運化蒸溽而亦氣餒不能使之出也經又云血主濡之血少則莖中枯澁水道不利安得不淋醫用通利血愈燥氣愈傷矣遂用大補

欽定四庫全書

石山醫案

湯加牛膝煎服月餘病減仍服八味丸除附子加黃芪服半月餘遂獲安

眼目

一婦年逾四十兩眼昏昧咳嗽頭痛似鳴而痛苦過饑惡心醫以眼科治之病甚予診脉皆細弱脾部尤近弦弱曰脾虛也東垣云五臟六府皆稟受於脾上貫於目脾虛則五藏精氣皆失所司不能歸明於目矣邪逢其身之虛隨眼系入於腦則腦鳴而頭痛心者



君火也宜靜相火化行其令勞役運動則妄行侮其所勝故咳嗽也醫不理脾養血而以苦寒治眼是謂治標不治本乃用參芪錢半麥門冬貝母各一錢歸身八分陳皮川芎黃芩各七分甘草甘菊花各五分麥芽四分煎服二貼諸症悉除

白濁

一人年逾三十季夏日午房後多汗晚浴又近女色因

患白濁醫用胃苓湯加右眼作痛用四物湯入三黃服

欽定四庫全書

石山醫案

之睡醒口愈加苦又加左膝腫痛仲冬不藥濁止漸次延至背痛不能轉側日輕夜重噫則如繩束撮腰脇痛不可忍呵氣亦應背痛或時夢遺次年正月請予診治脉皆緩弱無力左脉緩而畧滑曰此脾腎病也夫緩脾脉也緩弱無力脾虛可知左脉滑者血熱也遂以人參黃芪各二錢茯苓歸身麥門冬各一錢牛膝神曲陳皮黃柏各七分甘草五味各五分煎服三十餘貼仍以龜板參芪黃柏各二兩熟地山茱萸



枸杞杜仲歸茯苓牛膝各一兩丸服而愈

咳嗽

一人形長色蒼瘦年逾四十每遇秋涼病痰嗽氣喘不能卧春暖即安病此十餘年矣醫用紫蘇薄荷荆芥麻黃等以發表用桑白皮石膏滑石半夏以疏內暫雖輕快不以復作予為診之脉頗洪滑曰此內有鬱熱也秋涼則皮膚緻密內熱不能發泄故病作矣內熱者病本也今不治其本乃用發表徒虛其外愈不

欽定四庫全書

石山醫案

能當風寒疏內徒耗其津愈增鬱熱之勢遂以三補丸加大黃酒炒三次貝母瓜萋丸服仍令每年立秋以前服滾痰丸三五十粒病漸向安

一婦年逾五十其形色脆弱每遇秋冬痰嗽氣喘自汗體倦卧不安席或嘔惡心診之脉皆浮緩而濡曰此表虛不禦風寒激內之鬱熱而然遂用參芪各三錢麥門冬白朮各一錢黃芩歸身陳皮各七分甘草五味各五分煎服十餘貼而安每年冬寒病發即進此



藥次年秋間滯下腹痛後重脉皆濡細稍滑予曰此
內之鬱熱欲下也體雖素弱經云有故無損遂以小
承氣湯利兩三行腹痛稍除後重未退再以補中益
氣湯加枳壳黃芩芍藥煎服仍用醋澆熱磚布裹坐
之而愈是年遇寒嗽喘亦不作矣

一婦產後咳嗽痰多晝輕夜重不能安寢飲食無味或
時自汗醫用人參清肺湯嗽愈甚予為診之脉浮濡
近駛曰此肺熱也令服保和湯五貼而安

欽定四庫全書

石山醫案

一婦懷妊七月嗽喘不能伏枕兩臀坐以皮皆潰爛醫
用蘇子降氣湯三拗湯參蘇飲罔有效者邀予診之
右脉浮濡近駛按之無力左脉稍和曰此肺虛也宜
用補法遂以人參錢半白朮麥門冬各一錢茯苓八
分歸身阿膠黃芩各七分陳皮五味甘草各五分煎
服五七貼而痊

一童子八歲傷寒咳嗽痰少面赤日夜不休丁氏小兒
科治以參蘇飲數日嗽甚予為診之脉洪近駛曰熱



傷肺也令煎葛氏保和湯二服如失

氣痛 氣逆

一婦瘦弱年四十餘患走氣遍身疼痛或背脹痛或兩脇插痛或一月二三發發則嘔盡所食方快飲食不進以伏床枕醫作氣治用流氣飲或作痰治用丁香二陳湯病甚邀予視之脉皆細微而數右脉尤弱曰此恐孀居憂思傷脾而氣鬱也理宜補脾散鬱以人參三錢香附砂仁黃芩甘草各五分黃芪二錢歸身

欽定四庫全書

石山醫案

錢半川芎八分乾姜四分煎服十餘貼脉之數而弱者稍緩而健諸痛亦減仍服前方再用人參黃芪川芎香附山枝甘草以神麩糊丸服之病除

邑庠司訓蕭先生年逾五十形肥色紫病氣從臍下冲逆而上睡卧不安飲食少精神倦予為診之脉皆浮濡而緩曰氣虛也問曰丹溪云氣從臍下起者陰火也何謂氣虛予曰難執定論丹溪又云肥人氣虛脉緩亦氣虛今據形與脉當作氣虛論治遂以參芪為



君白朮白芍為臣歸身熟地為佐黃栢甘草陳皮為
使煎服十餘貼稍安彼以胸膈不利陳皮加作七分
氣冲上仍守前方月餘而愈

身麻

一婦或時遍身麻痺則憺不省人事良以乃甦醫作風
治用烏藥順氣散又用小續命湯病益甚邀予診之
脉皆浮濡緩弱曰此氣虛也麻者氣餒行遲不能接
續也如人以坐膝屈氣道不利故伸足起立而麻者

欽定四庫全書

石山醫案

是也心之所養者血所藏者神氣運不到血亦罕來
由心失所養而昏憺也遂用參芪各二錢歸身茯苓
門冬各一錢黃芩陳皮各七分甘草五分煎服而愈

秘結

一婦罄居改嫁乘轎勞倦加以憂懼成婚之際遂病小
腹脹痛大小便秘結不通醫以硝黃三下之隨通隨
閉病增胸膈胃脘脹痛自汗食少予為診之脉皆濡
細近駛心脉頗大右脉覺弱予曰此勞倦憂懼傷脾



石山醫案卷上								欽定四庫全書	石山醫案						皮枳壳黃芩各七分煎服而愈	黃但利血而不能利氣遂用人參二錢歸身錢半陳	也蓋脾失健運之職故氣滯不行以致秘結今用硝
--------	--	--	--	--	--	--	--	--------	------	--	--	--	--	--	--------------	----------------------	----------------------



欽定四庫全書

子部
石山醫案卷中

詳校官太醫院醫士臣趙正池

編修臣倉聖脈覆勘

總校官庶吉士臣何思鈞

校對官助教臣胡予襄

謄錄舉人臣吳之承



欽定四庫全書

石山醫案卷中

明 陳楠 撰

吐血

咳血

一人年三十餘形瘦神瘁性急作勞傷於酒色仲冬吐血二盃盆腹脹腸鳴不喜食飲醫作陰虛治不應明年春又作食積治更灸中脘章門復吐血碗許灸瘡不潰令食鮮魚愈覺不爽下午微發寒熱不知饑飽

欽定四庫全書

石山醫案

予診其脉濇細而弱右脉尤覺弱而似弦曰此勞倦飲食傷脾也宜用參芪白朮歸身甘草甘溫以養脾生地麥門冬山枝甘寒以涼血陳皮厚朴辛苦以行滯隨時暄涼加減煎服以庶或可安三年病愈後往臨清買賣復縱酒色遂大吐血頓沒

一人年二十餘形瘦色脆病咳血醫用滋陰降火及清肺之藥延及二年不減又一醫用茯苓補心湯及參蘇飲皆去人參服之病增邀予診之脉細而數有五



至餘曰不可為也或曰脉訣云四至五至平和之則何謂不可為予曰經云五臟已衰六腑已極九候雖調猶死是也且視形症皆屬死候經曰肉脫熱甚者死嗽而加汗者死嗽而下泄上喘者死嗽而左不得眠肝脹右不得眠肺脹俱為死症今皆犯之雖飲食不過肌膚去死近矣越五日果卒凡患虛勞犯前數症又或嗽而喉痛聲啞不能藥或嗽而肛門發癢皆在不救醫者不可不知

欽定四庫全書

石山醫案

一人年三十時過於勤勞嘔血彼甚憂惶予為診之脉皆緩弱曰無慮也由勞倦傷脾耳遂用參芪歸木陳皮甘草麥門冬等煎服月餘而愈越十餘年叫號傷氣加以過飽病膈壅悶有痰間或咯紅噎酸飲食難化小便短赤大便或澹有時滑泄不止睡醒口苦夢多或夢遺醫用胃苓湯病甚邀予診視脉或前大後小或駛或緩或細或大或弱或弦並無常度其細緩弱時常多曰五臟皆受氣於脾脾傷食減五臟俱無



所稟矣故脉之不常脾之虛也藥用補脾庶幾允當
遂以參朮為君茯苓為臣陳皮神麩貝母為佐甘草
黃栢為使服之瀉止食進後復傷食前病又作曰再
用湯藥腸胃習熟而反見化於藥矣服之何益令以
參苓白朮散加肉苳蔻棗湯調下累驗又傷於食改
用參朮芍苓陳皮砂仁丸服大便即瀉曰脾虛甚矣
陳皮砂仁尚不能當况他消導藥乎惟宜節食靜以
守之勿藥可也問命脉如何予曰孟子云天壽不貳

欽定四庫全書

石山醫案

修身以俟之所以立命也夫壽夭固有定命而人不
可委之於命而不修也人生於世如燭在籠火在灰
也罩以籠壅以灰則燭與火可保無虞人能遠色節
食養性存心使汗不妄泄精不妄施數雖有修短而
得以終其修短之數命雖有天速而得以盡其天速
之期苟或反是譬猶燭之徹籠且置之雨側則東流
西缺無復完物修者短短者亦不得以終其命矣譬
如火之失灰且移之風外左吹右擊無復全體壽者



天天者不得盡其數矣故曰君子修之吉小人悖之
凶又曰靜者壽動者夭又曰自作孽不可活又曰禍
福無不自己求之者聖賢叮嚀告戒無非欲人自保
其命不可戕害其命也脉則氣血之徵兆氣血和則
脉和氣血病則脉病但可以知其病耳命則在人
在於脉也故曰命在我

一人年五十形色蒼白性急語不合則叫號氣噦嘔吐
一日左妳下忽一點痛後又過勞惱怒腹中覺有穢

欽定四庫全書

石山醫案

氣衝上即噉極吐或亦乾欬無痰甚則嘔血時發如
瘧或以瘧治或以痰治或以氣治藥皆不效予往診
之脉皆浮細畧弦而駛曰此土虛木旺也性急多怒
肝火時動故左妳下痛者肝氣鬱也穢氣衝者肝火
凌脾而逆上也嘔血者肝被火擾不能藏其血也咳
嗽者金失所養又受火尅而然也嘔吐者脾虛不能
運化食鬱為痰也寒熱者木火交戰也茲宜泄肝木
之實補脾土之虛清肺金之燥庶幾可安遂以青皮



山枝各七分白芍黃芪麥門冬各一錢歸身阿膠各七分甘草五味各五分白朮錢半人參三錢煎服月餘諸症盡釋

一人年逾三十形色清癯病咳嗽吐痰或時帶紅飲食無味易感風寒行步喘促夜夢紛紜又有癩疝醫用芩連二陳或用四物降火或用清肺初服俱效久則不應邀予診之脉皆浮濡無力而緩右手脾部濡弱頗弦曰此脾病也脾屬土為肺之母虛則肺子失養

欽定四庫全書

石山醫案

故發為咳嗽又肺主皮毛失養則皮毛踈豁而風寒易入又脾為心之子子虛則竊母氣以自養而母亦虛故夜夢不安脾屬濕濕喜下流故入肝為癩疝且癩疝不痛而屬濕宜用參朮茯苓補脾為君歸身麥門冬黃芩清肺養心為臣川芎陳皮山查散鬱去濕為佐煎服累效後以參四錢芪三錢朮錢半茯苓一錢桂枝一錢常服而安

暘源謝大尹年四十時房勞病咳血頭眩脚弱口氣夢



遺或時如冷水滴於身者數點詣予診視脉皆濡緩而弱獨左關沉微按之不應曰此氣虛也彼謂房勞咳血夢遺皆血病也左關沉微亦主血病且聞肥人白人病多氣虛今我形色蒼紫何謂氣虛予曰初病傷腎經云腎乃胃之關也關既失守胃亦傷矣故氣壅逆血隨氣逆而咳也又經云二陽之病發心脾男子少精女子不月二陽者腸胃也腸胃之病必延及心脾故夢遺亦有由於胃氣之不固也左手關部細

欽定四庫全書

石山醫案

而分之雖屬肝而主血槩而論之而寸俱主上焦而察心肺兩關俱主中焦而察脾胃兩尺俱主下焦而察肝腎是左關亦可以察脾胃之病也古人治病有憑症有憑脉者有憑形色者今當憑症憑脉而作氣虛議治焉遂用參芪各三錢白朮白芍歸身麥門冬各一錢茯神枝子酸棗仁各八分陳皮甘草各五分煎服朝服六味地黄丸加黃栢椿根皮夜服安神丸年餘而安越十餘歲致政歸田再為診之右手三部



脉皆隱而不見身又無病此亦事之異也世謂太素
脉法片時診候能知人終身禍福豈理也哉

一人形瘦色悴年三十餘因勞咳嗽吐血或自汗痞滿
每至早晨嗽甚吐痰如腐渣乳汁者一二碗仍復吐
盡所食稍定醫用參蘇飲及枳縮二陳湯彌年弗效
衆皆危之邀予診治脉皆濡弱近駛曰此脾虛也宜
用參芪或曰以嗽肺有伏火雜著云咳血嘔血肺受
火邪二者禁用參芪今病犯之而用禁藥何耶予曰

欽定四庫全書

石山醫案

此指肺嗽言也五藏俱有嗽今此在脾丹溪曰脾具
坤靜之德而有乾健之運脾虛不運則氣壅逆肺為
之動而嗽也故脾所裹之血胃所藏之食亦隨氣逆
而嘔吐焉茲用甘溫以補之則脾復其乾健之運殆
必壅者通逆者順肺寧而嗽止胃安而嘔除血和而
循經又何病之不去哉遂以參芪為君白朮茯苓麥
門冬為臣陳皮神麴歸身為佐甘草黃芩乾姜為使
煎服旬餘遂安



一人形色頗實年四十餘病嗽咯血而喘不能伏枕醫
用參蘇飲清肺飲皆不效予診之脉皆浮而近駛曰
此酒熱傷肺也令嚼太平丸六七粒其嗽如失

村庄一婦年五十餘久嗽咯膿血日輕夜重詣診視脉
皆細濡而滑曰此肺痿也曾服何藥出示其方非人
參清肺散乃知母茯苓湯也二藥皆犯人參半夏一
助肺中伏火一燥肺之津潤故病益加為處一方天
麥門冬阿膠貝母為君知母生地紫苑山枝為臣桑
欽定四庫全書
石山醫案
白皮馬兜鈴為佐欵冬花歸身甜葶蘆桔梗甘草為
使煎服五貼遂安

一人年逾三十形近肥色淡紫冬月感寒咳嗽痰有血
絲頭眩體倦醫作傷寒發散不愈更醫用四物加黃
栝知母益加身熱自汗胸膈痞悶大便滑瀉飲食不
進夜不安寢詣予診治右脉洪緩無力左脉緩小而
弱曰此氣虛也彼謂痰中有紅或咯黑痰者皆血病
也古人云黑人氣實今我形色近黑何謂氣虛予曰



古人治病有憑色者有憑脉者丹溪云脉緩無力者
氣虛也今脉皆緩弱故知為氣虛矣氣宜溫補反用
寒涼陽宜升舉反用降下又加以發散則陽氣之存
也幾希遂用參芪各四錢茯苓白芍麥門冬各一錢
歸身八分黃芩陳皮神麩各七分蒼朮甘草各五分
中間雖稍有加減不過兼以行滯散鬱而已煎服百
貼而安

一人形色蒼白年三十餘咳嗽咯血聲啞夜熱自汗邀

欽定四庫全書

石山醫案

予診視脉皆細濡近駛曰此得之色欲也遂以四物
加麥門冬紫苑阿膠黃栢知母煎服三十餘貼諸症
悉減又覺胸腹痞滿惡心畏食或時糞澹診之脉皆
緩弱無復駛矣曰今陰虛之病已退再用甘溫養其
脾胃則病根去矣遂以四君子湯加神麩陳皮麥門
冬服十餘貼病安視前尤健

一人年逾三十形瘦色脆過於房勞病怠惰嗜卧食後
腹痛多痰覺自胃中而上又吐酸水肺氣不清聲音



不亮已更數醫或用補陰消導等劑邀予診治脉皆 細濡無力約有七至問曰熱乎曰不覺曰嗽乎夜間 數聲而已曰大便何如近來帶澹糞門傍生一癰今 已潰膿未收口耳曰最苦者何夜卧不安四肢無力 而已予思脉病不應夫數脉主熱今覺不熱乃內蒸 骨髓歟或正氣已極無復能作熱歟據症似難起矣 何也虛勞糞門生癰必成瘦瘡脉不數者尚不可為 况脉數乎蓋肺為吸門司上大腸為肛門司下肺與 大腸府藏相通况肺為氣主氣陽當升虛則下陷所 謂物極則反也今病內熱燔灼肺氣久傷故下陷肛 門而生癰瘻肺傷極矣非藥能濟予遂告歸月餘果 卒故凡虛勞之病或久泄或左或右一邊不得眠者 法皆不治也	消渴	一婦年三十餘常患消渴善饑脚弱冬亦不寒小便白 濁浮於上者如油予診脉皆細弱而緩右脉尤弱曰
---	----	---

欽定四庫全書

石山醫案



此脾瘕也宜用甘溫助脾甘寒潤燥方用參芪各錢
半麥門冬白朮各一錢白芍天花粉各八分黃栢知
母各七分煎服病除後口味不謹前病復作不救

彙萃

一人形長蒼紫素善食喜啖肉年近六十時六月傷饑
又被雨濕既而過食冷物腹中疼脹嘔吐次年至期
前病復作醫作傷食或作冷氣率用香燥消導之藥
時作時止第三年十月病又作食則胃腕勵痛近來

欽定四庫全書

石山醫案

忽吐瘀血如指者三四條大便溏瀉亦皆穢污又常
屢被盜驚今猶卧則驚寤予診左脉沉弱右脉浮虛
但覺頗弦次早復診左脉濡小無力右脉虛豁令用
人參二錢白朮錢半茯苓神當歸生地黃芪酸棗仁各
一錢石菖蒲五分山枝七分五貼覺力健而食進尚
噯氣失氣未除飲食少味令人參加作三錢白朮加
作二錢服愈

一人年十九形瘦面色黃白三月間微覺身熱五月間



因勞傷於酒肉遂大熱膈悶夢遺盜汗午後熱甚或
作食積或作陰虛或作痰火治皆不應予為診之午
間脉皆洪滑予曰食飽之餘脉不定也來早再診脉
皆收斂而弱右脉尤弱遂以人參三錢黃芪錢半白
朮麥門冬各一錢黃栢知母山查各七分枳實甘草
各五分煎服一貼熱減汗除五服去甚惟夢遺
一月或二次或三次令服固精丸五六兩仍令節食
守淡味病當愈也後又覺熱前方減甘草加石膏錢

欽定四庫全書

石山醫案

半牡丹皮八分

一人年三十形瘦淡紫纔覺氣壅腹痛背脹則吐腹中
氣塊翻動嘈雜數日乃吐黑水一盥盆而作酸氣吐
後噯氣飲食不進過一二日方食大便二三日不通
小便一日一次常時難向右卧午後怕食食則反飽
脹痛行立坐卧不安日輕夜重二年後詣予診治脉
皆浮弦細弱曰此脾虛也脾失健運故氣鬱而脹痛
吐黑水者蓋因土虛不能制水故膀胱之邪乘虛而



侮其脾土經云以不勝侮其所勝是也酸者木之所
司脾土既虛水挾木勢而凌之焉醫作痰治而用二
陳剛劑則脾血愈虛又作血治而用四物柔劑則是
以滯益滯又作熱治而用黃連解毒則過於苦寒又
作氣治而用丁沉藿香則過於香燥俱不適中遂以
人參三錢黃芪錢半歸身一錢香附陳皮神麩各七
分黃芩甘草各五分吳茱萸三分煎服旬餘又犯油
膩病作如前而尤重仍以前方加減或湯或散丸服

欽定四庫全書

石山醫案

至半年而愈

一人年逾三十形色瘦黑飲食倍進食後吐酸食飯乾
惡難吞常有結痰注于胸中不上不下纔勞則頭暈
眼花或時鼻衄糞後去紅或黑午後至晚胸膈煩熱
眉心時疼好睡醒來口舌乾苦盜汗夢遺脚冷手及
臀尖生膿疱瘡醫以四物湯涼血之劑治之不效詣
予診治左脉小弱而數右脉散弱而數俱近六至曰
症脉皆屬陰虛作陰虛治之不效何也此必脾虛濕



鬱為熱而然也今用滋陰降火反滋濕而生熱病何	由安宜用參芪甘溫之劑補脾去濕可焉問曰丹溪	論瘦黑者鼻衄者脉數者參芪皆所當禁予曰固也	豈可執為定論而不知變可乎脉經云數脉所主其	邪為熱其症為虛遂以人參二錢黃芪錢半白朮麻	黃根生地茯苓麥門冬各一錢歸身川芎各八分黃	芩七分麥芽厚朴黃栢枳實五味各五分服之而愈	因勞病瘧仍用前方除麻黃根牡蠣麥芽枳實厚朴	欽定四庫全書	石山醫案	黃栢五味加澤瀉柴胡青皮山梔各七分甘草五分	服十餘貼胸腹腰臍生小疥而愈	一人於幼時悞服毒藥瀉痢後復傷食腹痛大泄不止	今雖能食不作腹痛每至六七月遇服毒藥之時痛	泄復作善飢多食胸膈似冷夜間發熱嗜卧懶語聞	淫欲言盜汗陽舉心動驚悸喉中有痰小便不利大	便或結或澹過食則吐瀉泄脉皆濡弱而緩右脉	略大尤覺弱也次日左脉三五不調或一二至緩三
----------------------	----------------------	----------------------	----------------------	----------------------	----------------------	----------------------	----------------------	--------	------	----------------------	---------------	-----------------------	----------------------	----------------------	----------------------	---------------------	----------------------



五至駛右脉如舊緩弱余曰左脉不調者此必欲動
搖其精也右脉尤弱者由於毒藥損其肺也理宜固
腎養脾遂以人參錢半白朮茯苓芍藥黃芪麥門冬
各一錢歸身澤瀉各八分黃栢知母山查各七分煎
服旬餘而安

一人年五十餘形色蒼古五月間泛水與人爭辨冒雨
勞役受飢且有內事夜半忽病發熱惡食上吐下瀉
昏悶煩燥頭痛身痛因自發汗汗遂不止遣書來示

欽定四庫全書

石山醫案

脉皆洪數予曰脉果洪數乃危症矣盖吐瀉內虛汗
多表虛兼之脉不為汗衰亦不為瀉減在法不治但
古人有言醫而不活者有也未有不醫而活者也令
用人參五錢以救裏黃芪五錢以救表白朮三錢乾
姜七分甘草五分以和中安胃白茯苓一錢陳皮七
分以清神理氣水煎不時溫服一酒盃看其病勢何
如服至六七貼則見紅斑而四肢尤甚面赤身及四
肢脹悶人來告急予曰斑症自吐泄者多吉謂邪從



上下出也但傷寒發斑胃熱所致今此發斑由胃虛而無根失守之火遊行於外也可補而不可泄可溫而不可涼若用化斑湯玄參升麻之類則死生反掌矣仍令守前方服十餘貼諸病悉減斑則成瘡肢腫亦消而愈

一人形短蒼白平素善飲五月間忽發寒熱醫作瘧治躁渴益甚時常啖梨吐痰多每次或至碗許飲食少進頭暈昏悶大便不通小便如常或赤夜夢不安

欽定四庫全書

石山醫案

或一日連發二次或二日三日一發或連發二日平素兩關脉亦浮洪邀予適以事阻令服獨參湯二三貼吐少止寒熱漸住三日他醫曰渴甚脉洪熱之極矣復用獨參以助其熱非殺之而何及予往視脉皆浮洪近數予曰此非瘧而亦非熱也脉洪者陰虛陽無所附孤陽將欲飛越故脉見此其病屬虛非屬熱也渴甚者胃虛津少不能上朝於口亦非熱也盖年逾六十血氣已衰加以瘧藥性皆躁烈又當壯火



食氣之時老人何以堪此然則邪重劑輕非參所能
獨治遂以參芪各七錢歸身麥門冬各一錢陳皮七
分甘草五分水煎每次溫服一酒盃服至六七貼痰
止病除食進大便旬餘不通導之以蜜仍令服三十
餘貼以斷病根續後脉亦收斂而緩非復向之鼓擊
而駛也

一人年逾三十形瘦蒼白病食則胸膈痞悶汗多手肘
汗出尤多四肢倦怠或麻晚食若遲來早必泄初取

欽定四庫全書

石山醫案

其脉浮軟近駛兩關脉乃略大予曰此脾虛不足也
彼曰已服參朮膏胸膈亦覺痞悶恐病不宜於參芪
耶予曰膏則稠粘難以行散故也改用湯劑痞或愈
乎令用參芪各二錢白朮錢半歸身八分枳實甘草
各五分麥門冬一錢煎服一貼上覺胸痞下覺失氣
彼疑參芪使然予曰非也若參芪使然只當胸痞不
當失氣恐由脾胃過虛莫當枳朴之耗耶宜除枳朴
加陳皮六分再服一貼頓覺胸痞寬失氣除精神爽



愷脉皆軟緩不大亦不駛矣可見脾胃虛者枳朴須
散用為佐使况有參芪歸朮為之君尚不能治然則
醫之用藥可不慎哉

一婦五十七歲五月間因勞夜卧天熱開窓醒來遍身
脹痛疑是沙症刮背起紫疙瘡因而胸膈脹痛磨木
香服之致小腹作痛咳嗽氣壅不能伏枕吐痰腥臭
每次一二椀亦或作泄肛門脹急自汗不止身表浮
腫醫作傷寒而用發散或作肺癰而用寒涼延綿一

欽定四庫全書

石山醫案

月醫皆辭去其子來告予予曰第未知得何脉耳告
曰醫謂脉洪數也予曰年逾五十血氣已衰又加以
小勞而當酷熱之時又不免壯火食氣且脉洪數乃
熱傷元氣而然非熱脉也所可慮者脉不為汗衰為
泄減耳彼曰用生脉湯人參二錢門冬二錢五味一
錢病似覺甚予曰邪重劑輕也理宜黃芪五錢以固
表人參五錢以養內白朮三錢茯苓錢半滲濕散腫
陳皮七分吳茱萸四分消痰下氣再加甘草五分以



和之門冬一錢以救肺依法煎服十餘貼後雖稍安
脉與病反終不救

一婦年逾三十形色脆白久病虛弱余為調治十餘載
矣須不能純去泰去甚至嘉靖癸未便道復為診之
左脉似有似無右脉浮濡無力予曰平素左脉不如
此今忽殢深為之懼越三日再診兩手脉皆浮濡左
則不似有似無右則畧近於駛而已乃知脉變不常
昨今異狀者由虛而然也今醫以片時診察即謂其

欽定四庫全書

石山醫案

病若何遂解囊撮藥此亦失之疎略未必能盡其病
情也近患頭眩眼昏四肢無力兩膝更弱或時氣上
衝胸哽於喉中不得轉動則昏憒口禁不省人事內
熱口渴鼻塞飲食減經水漸少予用人參三錢歸身
白朮麥門冬各一錢黃芪錢半黃栢七分枳實五分
甘草四分煎服缺藥日久前病復作服之又安
一人年逾三十質弱色蒼初覺右耳不時冷氣呵呵如
箭出一陣越兩月餘左耳亦如右而氣出早晨聲啞



胸前有塊攢熱飯後聲啞稍開攢熱少息頃間又覺攢熱或嗽惡酸水小便頻赤大便溏泄睡熟被嗽而醒噦惡二三聲胸腹作脹頭腦昏痛不堪或時發熱遍身疼痛天明前病少息惟攢熱不除近來午後背甚覺寒兩腿麻冷令人參二錢半茯苓門冬白朮各一錢黃連甘草枳實各五分貝母歸身各一錢白芍八分煎服而愈

一婦蒼白不肥不瘦年逾五十病舌尖痛三年纔勞喉

欽定四庫全書

石山醫案

中熱痛或額前一掌痛早起頭暈飲食無味胸膈痞悶醫用消導清熱之藥不效予診右脉濡散無力而緩左脉比右頗勝亦近無力十五年前哭子忒甚遂作憂思傷脾哭泣傷氣從東垣勞倦傷脾之例用參芪各錢半白朮芍藥天麻各一錢川芎玄參各七分甘草枳實各五分黃栢陳皮各六分煎服而愈

楊梅瘡

一人色蒼黃瘦年三十餘病遍身惡瘡因服輕粉而脚



拘攣手指節腫額前神庭下腫如雞卵大方士令服
孩兒骨其法取初生孩兒置磚地上周以炭火焰使
死孩成灰紙裹放地上出火毒為末空心或酒或湯
調服二三錢謂能補也邀予診視脉皆濡緩而弱予
曰病已三年毒已盡矣但瘡潰膿血過多以致血液
衰少筋失所養故脚為之拘攣况手指節間頭上額
前皆血少運行難到之處故多滯而成腫理宜潤經
益血行滯散腫今服孩骨猛火炮炙燥烈殊甚且向

欽定四庫全書

石山醫案

所服輕粉性亦燥烈丹溪曰血難成易虧今外被瘡
膿所涸內被燥劑所熯以難成易虧之血曷能當此
內外之耗乎不惟腫不能消殆必壽亦損也問曰本
草輕粉辛冷何謂燥烈予曰本草註云硃砂伏火者
大毒殺人水銀乃火煨硃砂而成其性滑動走而不
守氣味俱陽從可知矣陽屬熱火故毒比硃砂為甚
入耳蝕腦入肉百節拘攣也然輕粉又水銀和入皂
礬再加火煨而成是為陽中之陽又復資以礬之燥



烈非大毒燥烈而何又問此瘡從何而生予曰肝屬
風而急暴腎屬水而主液為相火所寄淫夫淫婦擾
動厥陰之火泄其腎水既無以制火之衝逆而反以
為相火之助經曰火自水中起是也故腎之液皆被
火鬱成痰濁痰瘀血流注莖頭發為姦瘡久而毒熱
不解復於兩腿厥陰經分又生惡瘡以其瘡狀類楊
梅故俗名為楊梅瘡亦有如豌豆者由其毒有微甚
也旬日之間延及遍體者以厥陰屬風而急暴又得

欽定四庫全書

石山醫案

相火以為之助宜其發之暴且速也初生之時體氣
壯大便堅飲食進惟防風通聖散為最宜體氣弱大
便溏飲食少則用四物加玄參連翹射干為主大便
稍泄除射干上體多者黃芩或防風為佐下體多者
黃栢或牛膝為佐引以皂角針之鋒銳和以甘草節
之甘緩却厚味絕房帷隨症出入服之久久無有不
安或有惡湯藥者壯盛之人則以三補丸加大黃生
地用猪膽汁丸服怯弱之人則以三補丸加玄參生



地亦用猪膽汁丸服似亦簡便世人欲求速效皆用
輕粉濕痰被劫三五日間瘡因暫愈然燥熱尚在不
越一旬二旬瘡又復作翻思前藥又劫又愈愈又復
發展轉不休殊不知用一次劫藥增一次燥熱由是
肢體或癰潰或攣曲遂成痼癢論語欲速不達厥有
旨哉又問何以能相染也予曰其人內則素有濕熱
外則表虛湊疎或與同厠而為穢氣所蒸或與共床
而為瘡汁所漬邪氣乘虛而入故亦染生此瘡經曰

欽定四庫全書

石山醫案

邪之所湊其氣必虛是也亦有同厠同床而不染者
盖由內無濕熱之積外無表虛腠疎之患是以邪不
能入而瘡不相染矣雖然子之所慎齋戰疾然亦不
可自恃而不加之意也又問已悞於藥悔不可追今
將何藥以解之乎時正仲夏余用十全湯去桂附加
紅花牛膝黃栢薏苡仁木香火麻仁羌活煎服百貼
空心常服東坡四神丹加黃栢又少加蜀椒以其能
來水銀然後脚伸能行指腫亦消惟額腫傅膏而愈



一人患此瘡脚膝攣痛有人取蝦蟇治如食法令食之而攣痛遂愈此亦偶中也 又一人患此瘡脚痛而腫或令採馬鞭草煎湯薰洗湯氣纔到便覺爽快候溫洗之痛腫隨減此草在處有之檻外空地尤多其葉類菊春開細碎紫花秋復再花抽穗如馬鞭故名馬鞭草 又一人患此通身筋骨疼痛遇一道流問曰神色憔悴有病耶曰因瘡遍身痛也道流曰輕粉多矣吾亦被其毒矣遂示一方不過數味藥也

欽定四庫全書

石山醫案

但每貼入鉛五錢打扁同煎服之果驗凡患此瘡年久不愈者用草薺二三兩為君隨症虛實加入他藥罔有不效蓋草薺善驅濕熱故也

一人年三十餘因患此瘡服輕粉致右腹助下常有痞塊右眼黑珠時有丁子努出如雀屎許間或又消身有數瘡未痊一醫為治瘡毒而用硝黃一醫為治痞塊而用攻剋一醫為治眼丁而用寒涼諸症不減反加腹痛腸鳴大便滑泄胸膈壅悶不思飲食噯氣吐



沫身熱倦怠夜卧不安季冬請余往視脉皆浮濡近
駛曰誤於藥也前藥多係毒劑胃中何堪此物耶遂
令棄去更用人參四錢黃芪二錢白朮三錢茯苓炒
芍藥各一錢陳皮神曲升麻各七分甘草肉苳蔻各
五分煎服五貼為泄痛定減去升麻又服五貼膈寬
食進減去苳蔻再服五貼諸症皆除月餘痞塊亦散
眼丁亦消

肺癰

欽定四庫全書

石山醫案

一婦年近三十形色瘦白素時或咳嗽一二聲月水或
前或後夏月取涼遂嗽甚不能伏枕者月餘痰中或
帶血或兼膿嗽緊則吐食醫用芩連二陳不效復用
參芪等補藥病重余視左脉浮滑右脉稍弱而滑幼
傷手腕掌不能伸右脉似難憑矣乃以左脉驗之恐
妊兼肺癰也遂以清肺泄肺之劑進之三服而能著
枕痰不吐膿不咯惟時或惡阻予曰此妊之常病也
教用薏苡仁白朮茯苓麥門冬黃芩阿膠煎服病減



月餘復為診脉皆稍緩而浮曰熱已減矣但吐紅太多未免傷胃教用四君子加陳皮黃芩枳殼煎服調理妊至六月食雞病作却難而愈至九月病又復作聲啞令服童便獲安予曰產後病除乃是佳兆病若復來非吾所知月足而產脾胃病作加泄而卒

脚瘡

一婦瘦長面紫每遇春末夏初兩脚生瘡膿泡根紅艱於行步經水不調邀余診視脉皆濡弱近駛兩尺稍滑曰血熱也醫用燥劑居多故瘡不瘥合用東坡四神丹加黃栢密丸服之瘡不復作

癰腫

邑庠司訓余先生年幾六十長瘦色蒼赴福建考試官回病背腿癰腫一腫愈一腫作小者如蓋大者如鐘繼續不已俗曰流注是也醫皆欲用十宣散五香湯托裏散予為診之脉皆濡弱曰此非前藥所宜也夫以血氣既衰之年胃暑遠步熱瘴之地勞傷形熱傷

欽定四庫全書

石山醫案



氣矣經云邪之所湊其氣必虛理宜滋補使氣運血
行腫不作矣遂用大補湯減桂倍加參芪歸朮佐以
黃栢黃芩紅花服至二三十貼視腫稍軟者用砭決
去其膿未成者果皆消釋仍服二三十貼以防後患
一人肥短紫淡年逾三十因勞感濕兩腿胯間結核痛
甚醫用蒜片艾灸又針大敦三陰交又以藥水洗之
遂致陰囊腫脹如升莖皮腫如水泡復進人參敗毒
散皆不中病邀余往診脉皆濡緩而弱略駛曰此濕

欽定四庫全書

石山醫案

氣乘虛而入鬱而為熱成結核也理宜溫中行濕可
免後患月餘左腿內廉厥陰經分腫痛如椀惡寒發
熱復用蒜灸六日後腫潰膿出體倦頭面大汗手足
麻木瘡下又腫如椀寒熱大作始信予言用人參三
錢黃芪三錢白朮錢半歸身尾牛膝茯苓各一錢青
皮黃栢各七分甘草節五分煎服五六貼右額羊矢
穴分腫痛長五寸許亦作寒熱醫謂補塞太過欲改
前方彼言汪君已有先見所製之方必不悞我銳意



<p>服之月餘腫皆膿潰成痂而愈惟左脚委中筋急短縮艱於行步彼疑為蹇遣書來示余曰膿血去多筋失所養故也藥力足日當不蹇矣及果驗後覺陰囊腫繼他醫加茴香吳茱萸治疝等藥不效余適至彼令守前方減去治疝等藥加升麻一錢服一二貼囊即縮矣乃語予曰先生神醫也乃詳告吾病原乎予曰經云營氣不從逆於肉理乃生癰腫又云受如持虛蓋謂氣餒行遲血少留滯則阻逆肉理乃作癰腫也久則鬱而為熱化肉腐筋而成膿矣腫在厥陰雖曰多血亦難供給日之所耗夜之所損故邪乘虛留結不散如持虛器而受物也身之血氣如風與水風疾水急則顛陂潰隄莫有能禦之者也風息水細則砂障石壅多有所阻礙矣故今補其氣血使氣壯而</p> <p>行健血盛而流通又何腫之不散結之不行哉彼曰理也</p>	<p>欽定四庫全書 石山醫案</p>	<p>疝腫</p>
---	------------------------	-----------



一兒八歲癩疔陰囊腫脹核有大小予令燒荔枝核灰
茴香炒為末等分食遠溫酒調服二錢不過三服
一兒六歲陰囊脹大如盞莖皮光腫如泡一醫為之滲
濕行氣不效邀予診視脉皆濡緩曰脉緩無力者氣
虛也經云膀胱者津液之府氣化出焉氣虛不足無
能運化而使之出矣宜升陽補氣可也遂以人參為
君黃芪白朮茯苓為臣牛膝升麻陳皮為佐甘草稍
為使煎服一二貼囊皺腫消三貼全愈

欽定四庫全書

石山醫案

調經

一婦瘦小年二十餘經水紫色或前或後臨行腹痛惡
寒喜熱或時感寒腹亦作痛脉皆細濡近滑兩尺重
按略洪而滑余曰血熱也或謂惡寒如此何得為熱
曰此熱極似寒也遂用黃連酒煮四兩香附歸身尾
各二兩五靈脂一兩為末粥丸空腹吞之病退
一婦身瘦面黃舊有白帶產後憂勞經水不止五十餘
日間或帶下心前熱上身麻下身冷背心脹口鼻乾



額角冷小便頻而多大便澹而少食則嘔吐素厭肉
味遣書示病如此余曰雖未見脉詳其所示多屬脾
胃不足令服四君子湯加黃芩陳皮神麩歸身二貼
紅止白減復以書示曰藥其神乎繼服十餘貼諸症
悉除

一婦經行瀉三日然後行診其脉皆濡弱曰此脾虛也
脾屬血屬濕經水將動脾血已先流注血海然後下
流為經脾血既虧則虛而不能運行其濕故作參苓

欽定四庫全書

石山醫案

白朮散每服二錢一日米飲調下二三次月餘經行
不瀉矣

一婦產後經行不止或紅或白或淡病逾八月面色黃
白性躁頭眩脚軟醫用參芪補藥病益加用止澁藥
無效邀余診之右脉濡弱無力左脉畧洪而駛曰右
脉弱者非病也左脉偏盛遂覺右脉弱耳宜主左脉
治以涼血之劑遂以生地白芍白朮各一錢黃芩阿
膠歸身各八分陳皮香附川芎椿根皮茯苓各六分



柴胡甘草各五分煎服二十餘貼而愈

一婦形長質脆面色黃白孀居十餘年平素食少內外俱勞年五十二歲二月忽血崩若左手覺熱崩則又甚醫用苦寒黑灰涼血止血之劑益劇更用膠艾湯少愈偶因子病住藥月餘後服前湯崩則日少夜多七月盡來就余治右脉浮軟頗大左脉軟小而緩獨左尺尤近微弱余謂左脉主血得此與病相應右脉主氣今診得浮軟此乃脾胃氣不足也蓋脾具坤靜

欽定四庫全書

石山醫案

之德而有乾健之運虛則不能健運其血矣胃氣者陽氣也陽主升舉虛則不能升舉其血矣經曰陽病竭而下者此也又曰陽病治陰陰病治陽正其血氣各守其鄉其治此病之謂歟今氣不能健運升舉以致血崩法當治陽世醫昧此但知血熱則行逢冷則凝逢寒則止故用苦寒黑灰之劑殊不知苦以瀉胃寒則降下故經曰苦傷氣寒傷血安能治其崩哉蓋脾胃屬土惡濕喜溫畏寒理宜甘溫養其脾則熱自



除氣自運而血隨氣各歸其經矣東垣曰溫能除大熱經曰形不足者溫之以氣又曰氣生形又曰氣固形實形主血言又曰陽氣者精則養神柔則養筋故古人治血多用養氣豈無所本哉血逢黑則止但可
以治標耳經曰胃者五藏之本苟不固本未免止而復發况其所病或勞或怒或惡食而崩愈甚此蓋由脾胃不足不勝其勞怒也遂用參芪各四錢歸朮各一錢甘草厚朴各五分炒蒲黃阿膠各七分煎服十

欽定四庫全書

石山醫案

餘貼崩則晝止夜來矣夜則陰旺陽衰陽不足以攝土故也再以棕皮五倍子蓮蓬燒灰加阿膠蒲黃粥丸臨晚服而夜亦止但清水常流大便燥結小便日無夜有又用潤麻丸加木通車前空心吞之然腰與小腹及腳腿皆痛胸膈不寬予適出月餘歸診脉皆沉細而數余曰數脉所主為熱其症為虛脉與向日不同而症反覺虛者多因久服前藥失於加減故藏府習熟而病反見化於藥矣令暫止藥乘轎歸家登



山度嶺加以應接人事勞而又勞越三日血大崩約	一桶許昏憒而氣息奄奄良久稍蘇是夜又崩二三	碗許仍復昏憒余往視之脉仍沉細而數余曰五十	以後血氣大脫實難求生但不忍坐視其斃耳乃用	大劑參芪各七錢歸地姜附各一錢甘草五分煎服	二三貼脉數略減頭痛昏弱腰脚腿痛亦愈日則胸	膈似煩至夜亦愈但小腹時覺微痛清水常流不絕	經曰衝脉者經脉之海主滲谿谷與陽明合於宗筋	欽定四庫全書	石山醫案	會於氣街而陽明為之長皆屬於帶脉故陽明虛則	衝脉失養不能滲灌氣化為水而下流矣待其胃氣	稍完則清者運而為津液濁者滲而為小便而水或	可止也經曰壯者氣行則愈是矣若遇嚴寒又覺小	腹腰脚腿痛者亦由陽虛不禦其寒故也天地稍和	又不覺矣予曰病須少愈然血氣虛脫來春恐無以	資生發之氣耳至春果洞瀉而沒	丹溪曰氣病補血雖不中亦無所害血病補氣則
----------------------	----------------------	----------------------	----------------------	----------------------	----------------------	----------------------	----------------------	--------	------	----------------------	----------------------	----------------------	----------------------	----------------------	----------------------	---------------	---------------------



血愈虛散是謂誅罰無過今病血病而治以參芪
寧不犯丹溪之戒乎予曰學貴疎通不可執泥丹
溪又曰衝任二脉為經脉之海二脉無損則血氣
之行外循經絡內榮五藏若勞動過極損傷二脉
則衝任氣虛不能約制其血故忽大下謂之崩中
治宜舉養脾胃大補氣血丹溪治血何常不歸於
氣虛而養脾胃也東垣亦曰血脫益氣古聖人之
法也先理其胃以助生發之氣諸甘藥為之先務

欽定四庫全書

石山醫案

盖甘能生血此陽生陰長之理故先助胃氣且人
之身納穀為寶予考聖經前賢所治血病未嘗專
主於治血而不養氣要在臨病識宜耳雖然此固
不免於死所以得遲延而無苦楚者恐亦由於藥
力也因筆之幸同志者考其得失

一婦年逾四十形長色脆病經不調右脉浮軟而大左
脉虛軟而小近駛嘗時經前作泄今年四月感風咳
嗽用湯洗浴汗多因泄一月六月復因洗浴發瘧六



七次瘧雖止而神思不爽至八月盡而經水過多白帶時下瀉泄遂覺右脚疼痛舊曾閃肭脚跟今則假此延痛臀腿腰脇尾骨脛項右邊筋皆掣痛或咳嗽一聲則腰眼痛如刀扎日輕夜重叫號不已幸痛稍止飲食如常今詳月水過多白帶時下日輕夜重瀉泄無時亦屬下多亡陰宜作血虛論治然服四物止痛之劑益甚九月予復診視始悟此病乃合仲景所謂陽生則陰長之法矣夫經水多白帶下常瀉泄皆

欽定四庫全書

石山醫案

陽虛陷下而然命曰陽脫是也日輕夜重蓋日陽旺而得健運之職故血亦無凝滯之患而日故輕也夜則陰旺而陽不得其任失其健運之常血亦隨滯故夜重也遂以參朮助陽之藥煎服五七貼痛減此亦病症之變治法殊常故記之

一婦年二十一歲六月經行腹痛如刮難忍求死脉得細軟而駛尺則沉弱而近駛余曰細軟屬濕數則為熱尺沉屬鬱此濕熱鬱滯也以酒煮黃連半斤炒香



附六兩五靈脂半炒半生三兩歸身尾二兩為末粥
丸空心湯下三四錢服至五六料越九年得一子又
越四年經行兩月不斷腹中微痛又服前丸而愈續
後經行六七日經止則流清水腹中微痛又服前丸
而痛亦止又經住只有七八日若至行時或大行五
六日續則適來適斷或微紅或淡紅紅後嘗流清水
小腹大痛漸連遍身胸背腰腿骨裡皆痛自己至酉
乃止痛則遍身冷熱汗大出汗止痛減尚能飲食自

欽定四庫全書

石山醫案

始痛至今歷十五年前藥屢服屢效今罔效者何也
余在休寧率口其母伴女荷轎至彼就醫脉皆洪滑
無力幸其尚有精神余曰此非舊日比矣舊乃鬱熱
今則虛寒東垣曰始為熱中終為寒中是也經曰脉
至而從按之不鼓乃陰盛格陽當作寒治且始病時
而形斂小今則形肥大矣醫書曰瘦人血熱肥人氣虛
豈可同一治耶所可慮者汗大泄而脉不為汗衰血
大崩而脉不為血減耳其痛日重夜輕知由陽虛不



能健運故亦凝滯而作痛以症糸脉宜用助陽若得
脉減痛輕方為佳兆遂投參芪歸朮大劑加桂附一
貼來早再診脉皆稍寧隨即回宅服至二三十貼時
當二月至五月予適往城視之病且愈矣蓋病有始
終寒熱之異藥有前後用舍不同形有少壯肥瘦不
等豈可以一方而通治哉後聞乳有隱核數枚彼時
失告於余訪之外科歸罪於多服參芪而然殊不知
肥人氣虛多滯若能久服前藥不惟乳無隱核縱有

欽定四庫全書

石山醫案

亦當消矣多因病退却藥血氣未充故氣滯血凝而
成此核經曰壯者氣行則愈是矣予以書喻祇恐一
齊傳衆楚咻莫能回其惑也

一婦每臨經時腰腹脹痛玉戶淫淫蟲出如鼠粘子狀
綠色者數十枚後經水隨至其夫問故予曰厥陰風
木生蟲婦人血海屬於厥陰此必風木自甚兼脾胃
濕熱而然也正如春夏之交木甚濕熱之時而生諸
蟲是也宜清厥陰濕熱邪令以酒煮黃連為君白朮



香附為臣研末粥丸空腹吞之月餘經至無蟲而妊
矣

一婦形質瘦小面色近紫產後年餘經水不通首夏忽
病嘔吐手指麻痺攣拳不能伸展聲音啞小噦不出
聲醫皆視為風病危之予診脉皆細微近滑曰此妊
娠惡阻病也衆謂經水不通安有妊娠予謂天下之
事有常有變此乃事之變也脉雖細微似近於滑又
尺按不絕乃妊娠也遂以四君子加二陳治之諸症
俱減尚畏粥湯惟食乾糕香燥之物而有生意

欽定四庫全書

石山醫案

出部脉

一婦年逾四十形色頗實常患產難倒生經水不調或
時遍身骨節疼痛食少倦怠自汗予為診之兩手脉
皆不應惟右關輕按隱隱然微覺動也疑脉出部以
指尋按經渠列缺穴分亦不應余甚怪之乃叩其夫
曰有孕時醫診亦言無脉後服八物湯幸爾易產而
得一子余曰此由稟賦本來脉不應也無足怪焉可



見天下事變出無窮果難一一以常理測也如脉經所謂但道其常而已兩手無脉不傷其生又不妨於胎妊豈脉經所能論及耶脉或兩手出部或一手出部余見多矣兩手無脉而人如故此亦理之所無事之大變故筆記

一婦有病請余診之右脉緩濡而弱左手無脉再再尋之動於腕臂外廉陽谿偏歷之分乃語之曰左脉離其部位其病難以脉知以右脉言之似屬於脾胃不

欽定四庫全書

石山醫案

足也尚當言其病焉告曰每遇經未行前咯血數口心嘈不安食少懶倦余以四君子湯加山枝陳皮麥門冬牡丹皮煎服數貼而安

余嘗考孫兆診一釋者左脉出部動於臂上曰此怪脉也醫書不載脉行常道豈有移易或者少年驚撲震動心神故脉脫故道耳年既長大血氣已定不能復移也僧曰果如所言余詢此婦未嘗得驚而脉如是可見亦由於稟賦也後在歛之江村



診得兩手脉俱出部者數人或左或右一手脉出部者尚多信行診一婦人兩手脉亦出部凡此皆事變無窮理之莫測豈皆由於驚動哉夫此雖非經水之病

因其脉類前案故錄於此

妊病

一婦懷妊八月嘗病腰痛不能轉側大便燥結醫用人參等補劑痛益加用硝黃通利之藥燥結雖行而痛如故予為診之脉稍洪近駛曰血熱血滯也宜用四

欽定四庫全書

石山醫案

物加木香乳沒黃栢火麻仁煎服四五貼痛稍減燥結潤復加發熱面赤或時惡寒仍用前方去乳沒黃栢加柴胡黃芩服二貼而寒熱除又背心覺寒腰痛復作予曰血已利矣可於前方加人參一錢服之獲安

一婦嘗患橫生逆產七八胎矣子皆不育予診脉皆細濡頗弦曰此氣血兩虛兼熱也或曰氣血有餘方成妊娠氣血既虧安能胎耶予曰觀其形長瘦而脉細



濡屬於氣血兩虛色青脉弦屬於肝火時熾而兩尺
浮滑似血虛為輕而氣虛為重也宜以補陰丸除陳
皮倍加香附參芪蜜丸服之常令接續踰年臨產果
順而育一子

產後

一婦產後滑瀉勺水粒米弗得容即時泄下如此半月
餘矣衆皆危之或用五苓散平胃散病益甚邀余診
之脉皆濡緩而弱曰此產中勞力以傷其胃也若用
湯藥愈滋胃濕非所宜也令以參苓白朮散除砂仁
加陳皮肉苳蔻煎薑棗湯調服旬餘而安

欽定四庫全書

石山醫案

一婦產後時發昏瞽身熱汗多眩暈口渴或時頭痛惡
心醫用四物涼血之劑病不減復用小柴胡病益甚
予為診之脉皆浮洪搏指予謂產後而得是脉又且
汗多而脉不為汗衰法在不治所幸者氣不喘不作
泄耳其脉如是恐為涼藥所激也試用人參三錢黃
芪二錢甘草當歸各七分白朮門冬各一錢乾姜陳



皮黃芩各五分煎服五貼脉斂而病漸安

小兒驚癇

一女年六歲病左手不能舉動三年矣後復病癇初用人參半夏或效或否予診左脉浮洪右脉頗和曰痰熱也令以帛勒肚取茶子去壳三錢按碎以滾湯一碗濾取汁隔宿勿食早晨溫服吐痰如大蒜瓣者三椀許手能舉動癇亦不作

余孫應達初生未滿一月乳媪抱之懷間往觀春戲時

欽定四庫全書

石山醫案

風寒甚切及回即啼不乳時發驚搐始用蘇合香繼用驚搐藥不效衆皆危之予曰小兒初生血氣未足風寒易襲此必風邪乘虛而入也風喜傷脾脾主四肢脾受風擾故四肢發搐日夜啼叫不乳經曰風淫末疾是也其治在脾脾土不虛則風邪無容留矣因煎獨參湯初灌二三匙啼聲稍緩再灌三五匙驚搐稍定再灌半酒盃則吮乳漸有生意

泄瀉



石山醫案卷中								欽定四庫全書 石山醫案	<p>一孩孟秋泄瀉晝夜十數度醫用五苓散香薷飲胃苓湯加豆蔻罔有效者予曰此兒形色嬌嫩外邪易入且精神怠倦明是胃氣不足而為暑熱所中胃虛挾暑安能分別水穀今專治暑而不補胃則胃愈虛邪亦著而不出經曰壯者氣行則愈怯者著而成病是也令濃煎人參湯飲之初服三四匙精神稍回再服半酒盃瀉泄稍減由是節次服之則乳進而病脫</p>
--------	--	--	--	--	--	--	--	----------------	---



欽定四庫全書

子部
石山醫案卷下

詳校官太醫院醫士臣趙正池

編修臣倉聖脈覆勘

總校官庶吉士臣何思鈞

校對官助教臣胡予襄

謄錄舉人臣吳之承



欽定四庫全書

石山醫案卷下

明 陳楠 撰

答銀臺宋公書

醫以望聞問切四者為務蒙示貴恙祇得問之一事而已餘三事俱莫得而詳也依命奉去藥方或效或否故難預必茲以理論多屬於陰虛而兼有熱也經曰一勝則一負蓋血者陰也陰虛則陽亢理之必然陽亢熱動

欽定四庫全書

石山醫案

宜其血得熱而妄行或嗽或吐不免有血此皆陰虛發熱之病理宜滋陰養血清熱潤肺是其治焉此特論其理之常也其中又有變其常者亦當變其常以治之矣經曰衝任二脉為血之海主滲灌谿谷而陽明為之長陽明者胃也或有勞動損其衝任則血不得滲灌而越上於上竅故陽明胃脉亦失所養或飲食無味或食則難飢或惡心嘔吐或胸膈痞悶或大便不常此又初因陰虛而終致於陽虛也夫因陰虛而致陽虛則滋陰降



火之法又難例用當從東垣陽生陰長而用甘溫之劑
矣經曰陽氣者精則養神柔則養筋蓋心主血而藏神
肝主筋而藏血若胃之陽氣有虧是陽氣之精者亦虛
而心神失養不能以主血陽氣之柔者亦損而肝筋失
養不能以藏血心既不能主血肝又不能藏血欲其血
之不妄行也難矣此又陰變為陽之病豈可以其陰虛
例治而損其陽也嘗考褚氏遺書有曰人生十六精始
通未及十六而先損其精則骨髓未滿後必有難名之

欽定四庫全書

石山醫案

疾得聞所患已犯褚氏之戒必須遠色節欲以固其本
然後調之以藥以治其末庶幾內外兼修本末兩盡病
之愈也有日矣苟徒恃乎藥而無敬謹之功是謂舍重
就輕欲求病愈難哉四物湯加黃栢知母乃滋陰降火
妙劑若飲食無味或飲食不思此方又難例用須宜兼
用四君子湯仲景曰血虛氣弱宜用人參人參不惟補
氣亦補血也况藥無定性與熱藥同用則熱寒藥同用
則寒今用人參而以寒藥制之人參雖溫亦莫能逞其



勢矣又曰人參補氣今以耗氣之藥監之雖欲補氣亦莫恣其性矣幸毋以南兆見疑東垣北人也常用人參考之東垣書可証矣但加減活法在乎病者消息出入如嗽加麥門冬痰加貝母咯血加藕節氣喘加阿膠痞悶加枳實二方相合名曰八物湯兼補血與氣也請與高明議其可否

一人面色蒼白年四十六歲好酒色犬肉三月間因酒連有二夜房事遂病左腹痛甚後延右腹續延小腹

欽定四庫全書

石山醫案

以及滿腹皆痛日夜叫號足不能升卧不能仰汗出食阻自用脩急丸利二三行而隨止痛仍不減予診之脉皆細駛右脉頗大於左獨脾脉弦而且滑扶起診之右脉亦皆細數恐傷酒肉用二陳湯加黃芩山查麴蘖進之不效再用小承氣湯仍復不利蜜煎導之亦不利乃以大承氣湯利二三行痛減未除令其住藥只煎山查飲之次日煩燥嘔惡渴飲凉水則覺惡止爽快次早再診脉皆隱而不見四肢逆冷煩燥



不寧時復汗出舉家驚愕疑是房後陰症擬進附子
理中湯予曰此治內寒逆冷也活人書云四逆無脉
當察症之寒熱今觀所患多屬於熱况昨日脉皆細
數面色近赤又兼酒後而病六脉遂絕盖由壯火食
氣也四肢者諸陽之本氣被壯火所食不能營於四
肢故脉絕而逆冷也此類傷暑之症正合仲景所謂
熱厥者多寒厥者少急用大承氣湯下之之類向雖
下以大承氣其熱尚有未盡難以四逆湯症與比今

欽定四庫全書

石山醫案

用附子熱藥寧不助火添病耶如不得已可用通脉
四逆湯尚庶幾焉以其內有童便猪膽汁監制附毒
不得以肆其虐也連進二服脉仍不應逆冷不回渴
飲煩躁小便不通糞澹反頻腹或時痛更進人參白虎
湯二貼躁渴如舊更用參朮各三錢茯苓麥門冬車
前各一錢北五味當歸各五分煎服一貼脉漸隱隱
見如蛛絲予曰有生意也仲景論絕脉服藥微續者
生脉暴出者死是也左手左脚亦畧近和不致冰人



欽定四庫全書

石山醫案

第九日逆冷回脉復見諸症稍減而向安矣

一人年逾四十面色蒼白平素內外過勞或為食傷則
咯硬痰而帶血絲因服寒涼清肺消痰藥至五六十
貼聲漸不清而至於啞夜卧不寐醒来口苦舌乾而
常白胎或時喉中閣痛或胸膈痛或噯氣夜食難消
或手靠物久則麻常畏寒不怕熱前有癩疔後有內
痔遇勞則發初診左脉沉弱而緩右脉浮軟無力續
後三五日一診心肺二脉浮虛按不應指或時脾脉



輕按閣指重按不足又時或駛或緩或浮或沉或小
或大變動全無定準夫脉不常血氣虛也譬之虛偽
之人朝更夕改全無定準的實之人朝斯夕斯常久
不移以脉叅証其虛無疑虛屬氣虛為重也蓋勞則
氣耗而肺傷肺傷則聲啞又勞則傷脾脾傷則食易
積前疝後痔遇勞而發者皆因勞耗其氣上虛下陷
不能升舉故也且脾喜溫畏寒而肺亦惡寒故曰形
寒飲冷則傷肺以已傷之脾肺復傷於藥之寒涼則

欽定四庫全書

石山醫案

聲安得不啞舌安得不胎胎者仲景謂胃中有寒丹
田有熱也夜不寐者由子盜母氣心虛而神不安也
痰中血絲者由脾傷不能裹血也脾痛噯氣者氣虛
不能健運故鬱於中而噯氣或滯於上則胸痛也遂
用參芪各四錢麥門歸身貝母各一錢遠志酸棗仁
牡丹皮茯神各八分石菖蒲甘草各五分其他山查
麥芽杜仲隨病出入煎服年餘而復益以寧志丸藥
前病日漸愈矣且此病屬於燥熱故白朮尚不敢用



况他燥劑乎

一人年十五色黃悴十二月間忽嘔瘀血一二碗隨止
當請小兒科丁氏調治肌體尚弱常覺頭暈近於三
月間天熱行路出汗逾日又少費力頗倦日昃頓然
昏暈不省人事手足擾亂顛倒錯亂將一時久方定
次日亦然續後每日午時前後如期發一次近來漸
早自辰至午連發二次漸至三四次比前稍輕發時
自下焦熱上至胸壅塞則昏暈良久方甦始疑是瘧

欽定四庫全書

石山醫案

或癘醫云火動又云痰症用牛黃丸以竹瀝姜汁磨
服二次共四丸又與煎藥多清爽火之劑服後每日
只發一次止則汗多口乾食少身熱時多涼時少予
脉之皆浮虛洪數不任尋按坐起則覺略小亦不甚
數脉書曰數脉所主為熱其症為虛三日後再診左
脉小而滑右脉大而滑獨肺部浮軟按之似蟄蟄有
聲與昨脉不同者虛之故也夫陽氣者清純冲和之
氣也或勞動過度或酒食過傷則擾動其陽變而為



邪熱矣然脾胃以陽氣為主陽變為熱血必沸騰而
越出於上矣昏暈者由熱熏灼故神昏暈倒而類風
也風之旋轉運動與火相類每覺下焦熱上乃脾火
塞而即發者脾脉從足入腹至胸今下焦熱上乃脾
火也然胸膈心肺之分為陽之位清陽居上而邪熱
擾之則陽不得暢達而心肺之神魄不免為之而昏
亂矣况五臟皆賴胃氣以培養胃受火邪則五臟皆
無所稟而所藏之神亦無所依故肺之魄心之神肝

欽定四庫全書

石山醫案

之魂脾之意腎之志安得不隨之潰亂躁擾而昏瞽
耶多發於午前後者乃陽氣所主之時陽為邪擾不
能用事故每至其時而輒發也且汗多津液泄口乾
津液少醫用牛黃硃砂琥珀南星半夏等而復燥之
是愈益其燥故暫止而復發不能拔去其病根也因
取參芪各二錢半遠志山查川芎黃芩各七分天麻
茯神麥門各一錢甘草陳皮各五分歸身八分白朮
一錢半煎服十餘貼而病不復發矣



一人年逾三十神色清減初因傷寒過汗是後兩足時
冷身惡寒食則易飢日見消瘦夢遺甚頻筋骨痛疼
久伏床枕不出門戶醫用滋陰降火不効予視左脉
浮虛而緩右脉浮弦而緩此陽虛也病者言易飢善
食夢遺甚頻似屬陰虛若作陽虛而用參耆恐增病
矣予故為之備論其病古人謂脉數而無力者陰虛
也脉緩而無力者陽虛也今脉皆浮虛弦緩則脉為
陽虛可知參矣以症論之病屬陰虛陰虛則發熱午

欽定四庫全書

石山醫案

後屬陰當為午後則遍身發熱惡熱揭胸露手蒸蒸
熱悶而煩躁也今患並無是症何得認作陰虛夫陽
虛則惡寒雖天暖日和猶恐出門怕寒惡風今患兩
足時冷身多畏寒皆陽虛之驗矣又被汗多亡陽非
陽虛而何今日食則易飢非陰虛火動也蓋脾胃以
氣為主氣屬陽脾胃之陽已虛又被苦寒屬陰之藥
以瀉其陽則陽愈虛而內空竭須假穀氣以扶助之
故易飢而欲食食亦不生肌肉也經曰飲食自倍腸



胃乃傷又曰飲食不為肌膚其此之謂歟夢遺亦非
特陰虛經曰陽氣者精則養神柔則養筋今陽既虛
則陽之精氣不能養神而心藏神神失所養則飄蕩
飛揚而多夢矣陽之柔氣不能養筋而肝主筋以藏
魂筋失所養則遍身筋骨為之疼痛魂亦不藏故夢
寐欠安何得而不遺乎經曰氣固形實陽虛則不能
固而精門失守此遺之所以頻而不禁也經曰腎者
胃之門也今若助陽以使其固養胃以守其關不患

欽定四庫全書

石山醫案

遺之不止矣遂用參耆各二錢白朮一錢甘草五分
枳實香附山查韭子各五分煎服半年隨時令寒暄
升降而易其佐使調理而安

一人年近六十面色蒼白病左耳聾三十年矣近年來
或頭左邊及耳皆腫潰膿膿從耳出甚多時或又腫
復膿今則右耳亦聾屢服祛風去熱逐痰之藥不效
予診左手心脉浮小而駛肝腎沉小而駛右脉皆虛
散而數此恐乘輿遠來脉未定耳來早脉皆稍斂不



及五至非比日前之甚數也夫頭之左邊及耳前後
皆屬於少陽也經曰少陽多氣少血今用風藥痰藥
類皆燥劑少血之經又以燥劑燥之則血愈虛少矣
血少則澁滯澁滯則壅腫且血逢冷則凝今復以寒
劑凝之愈助其壅腫久則鬱而為熱腐肉成膿從耳
中出矣漸至右耳亦聾者脉絡相貫血氣相依未有
血病而氣不病也是以始則左病而終至於右亦病
矣况病久氣血已虛且人年六十血氣日固而又出

欽定四庫全書

石山醫案

外勞傷氣血又多服燥劑以損其氣血膿又大泄已
竭其氣血則虛而又虛可知矣以理論之當以滋養
氣血氣血健旺則運行有常而病自去矣否則不惟
病且不除而腦_髓耳疽抑亦有不免矣人參二錢黃
芪三錢歸身白朮生姜各一錢鼠粘子連翹柴胡陳
皮各六分川芎片苓白芍各七分甘草五分煎服數
十貼而安

一孺人年近五十病腹痛初從右手指冷起漸上至頭



則頭如冷冰澆灌而腹痛大作痛則遍身大熱熱退則痛亦止或過食或不食皆痛每常或一年一發近來二三日一發遠不過六七日醫用四物加柴胡香附不應更醫用四君木香檳榔亦不效又醫用二陳加紫蘇豆蔻又用七氣湯等劑皆不效予診脉皆微弱似有似無或一二至一止或三五至一止乃陽氣大虛也以獨參五錢陳皮七分煎服十餘貼而愈夫四肢者諸陽之末頭者諸陽之會經曰陽虛則惡寒

欽定四庫全書

石山醫案

又曰一勝則一負陽虛陰往乘之則發寒陰虛陽往乘之則發熱今指稍逆冷上至於頭則陽負陰勝可知矣陽負則能健運而痛大作痛作而復熱者物極則反也及其陰陽氣衰兩不相爭則熱歇而痛亦息矣况脾胃多氣多血經也氣能生血氣不足則血亦不足仲景曰血虛氣弱以人參補之故用獨參湯服而數年之痛遂愈矣

一人年踰三十神色怯弱嘉靖八年客外七月患熱淋



諸藥不效至十一月行房方愈九年正月復作亦行
房而愈至三月傷寒咳嗽有痰兼事煩惱延至十月
少愈後復作服芦吸散而愈但身熱不解因服小便
腹內膨脹小腹作痛後又因晚卧左脇有氣觸上痛
不能睡飲食減半四肢無力食則腹脹痛或瀉兼胸
膈飽悶口舌乾燥夜卧盜汗從腰已下常冷久坐腰
痛脚軟手心常熱診其左手心脉浮數而滑腎肝二
脉沉弱頗緩右手肺脉浮虛而駛脾脉偏弦而駛命

欽定四庫全書

石山醫案

門散弱而駛第二日再診心肝二脉細軟稍不見駛
矣腎脉過於弱肺脉浮軟亦不見駛脾脉頗軟命門
過浮畧堅余曰膀胱者津液之府氣化出焉淋者由
氣餒不能運化故津液鬱結為熱而然也房後而愈
者則鬱結流利而熱解矣三月天日和煦何得傷寒
多由肺氣不足莫能護衛皮毛故為風邪所襲鬱熱
而動其肺以致痰嗽也得芦吸散而愈者以辛溫豁
散其痰與熱也嗽止身熱不退者因嗽久肺虛肺虛



則脾弱脾肺之氣不能榮養皮肉故熱作也經曰形寒飲冷則傷肺又曰脾胃喜溫而惡寒今服小便之寒涼寧不愈傷其脾肺耶是以腹脹作痛脇氣觸上或瀉或汗種種諸病皆由損其脾肺也而脈時或變易不常者亦由氣血兩虛虛而為盈難乎有常矣遂用參芪各二錢茯苓白朮各一錢歸身牛膝各七分厚朴陳皮木香甘草各五分薄桂三分煎服二十餘貼諸症悉退後因解頭勞倦諸症復作來就余治脈

欽定四庫全書

石山醫案

與前頗同但不數不駛而已仍用參芪各三錢麥門歸身厚朴枳實甘草黃芩等劑而愈

書曰五志過為病非藥可治須以情勝古今方書多略而不言遇有此疾無例可推因搜採前賢治例著之於後以示將來者焉如怒傷肝肝屬木怒則氣併於肝而脾土受邪木太過則肝亦自病喜傷心心屬火喜則氣併於心而肺金受邪火太過則亦自病悲傷肺肺屬金悲則氣併於肺而肝木受邪金太過則肺



亦自病恐傷腎腎屬水恐則氣併於腎而心火受邪
水太過則腎亦自病思傷脾脾屬土思則氣併於脾而
腎水受邪土太過則脾亦自病寒傷形形屬陰寒勝
血則陽受邪寒太過則陰亦自病熱傷氣氣屬陽熱
勝寒則陰受病熱太過則陽亦自病凡此數者更相
為治故悲可以治怒以愴惻苦楚之言感之喜可以
治悲以謔浪褻狎之言戲之恐可以治喜以逼遽死
亡之言怖之怒可以治思以汙辱欺罔之言觸之思

欽定四庫全書

石山醫案

可以治恐以慮彼忘此之言奪之凡此五者必詭譎
怪詐無所不至然後可以動人耳目易人視聽若胸
中無材器之人亦不能用此法也熱可以治寒寒可
以治熱逸可以治勞習可以治驚經曰驚者平之夫
驚以其忽然而遇之也使習見習聞則不驚矣惟勞
則氣耗恐則氣奪者為難治喜者少病百脉舒和故
也

一人因喜成病莊醫切脉為之失聲佯曰吾取藥去數



更不來病者悲泣辭家人曰處世不久矣莊知其將
愈慰之詰其故引素問懼勝喜可謂得玄關者也
一婦因產舌出不收醫以硃砂傅其舌仍命作產子狀
令以兩女子掖之乃於壁外潛累盆碗危處墮地以作
聲聲聞而舌收矣夫舌乃心之苗此必產難而驚心
火不寧故舌因用力而出也今以硃砂以鎮其心火
又使倏聞異聲以恐下經曰恐則氣下故以恐勝之
也

欽定四庫全書

石山醫案

昔貴人有疾天方不雨更醫十數罔效最後一醫至脉
已則以指計甲子曰某夕天必雨竟出貴人疑曰豈
謂吾疾不可為耶何言雨而不及藥我也已而夕果
雨貴人喜起而行乎庭達旦疾若脫去明日後至之
醫來謁貴人喜且問曰先生前日言雨今得雨而瘳
何也醫對曰君侯之疾以憂得之然私計君侯忠且
仁所憂者民耳以旱而憂以雨而瘳理固然耳何待
藥而愈耶



一女婚後夫經商二年不歸因不食困卧如痴無他病多向
床裡坐此思則氣結也藥難治獨得喜可解不然令其怒
因掌其面詬以外情果大怒而大哭三時許令解之與藥
一貼即求食矣予曰病雖愈得喜方已乃詒以夫回既而
果然病不舉

一人縣差拿犯人以鐵索項所犯至縣行至中途犯則投河
而死犯家告所差人索騙威逼至死所差脫罪未免費財
憂憤成病如醉如痴謬言妄語無復知識予診之曰此以

欽定四庫全書

石山醫案

費財而憂必得喜而病可愈也藥豈能治哉令其鎔錫作
銀數錠置於其側病者見之果喜握視不置後病遂愈此
謂以喜勝憂也

一女與母相愛既嫁母喪女因思母成疾精神短少怠倦嗜
卧胸膈煩悶日常懨懨諸藥不應予視之曰此病因思非
藥可愈彼俗酷信女巫巫托神降言禍福謂之卜童因令
其夫賄囑之托母降言女與我前世有冤汝故托生於我
以害我也是以汝之生命尅母我死因汝今在陰司欲報



汝讐汝病淹淹實我所為我生則與之母子死則與之寇
仇夫回謔其婦曰汝病如此我他往可請童婆卜之何如
婦應曰諾遂請卜一如夫所言女聞大怒詬曰我因母病
母反我害我何思之有耶遂不思病果愈此以怒勝思也
一官素謹言一日會賓筵中有蘿蔔頗大客羨之主曰尚有
大如人者客皆笑以為無主則悔恨自咎曰人不見如是
大者而吾以是語之宜其以吾言為妄為笑也因而致疾
藥不應其子讀書達事思父素不輕言因而愧赧成疾必

欽定四庫全書

石山醫案

須實所言庶可解官所抵家往返十餘日遂遣人抵家取
蘿蔔如人大者至官所復會舊賓請父強疾而陪酒酣令
車載置席前客皆驚訝其父大喜而疾愈

重大之病一日三脉多變難治沉痾日日脉不移亦難治
伏經脉最難求如積熱之久脉反沉細而外症又寒苟非兼
以望聞問切何可得也世俗諱疾試醫醫復諱情妄臆而
豪貴婦女往往不得望聞豈不大錯

論病必分兼經專經錯經伏經知有賓主而後分標本以處



方 兼經併發如兩感 專經獨發如太陽表症 錯經
亂發如百合狐惑病 伏經反發如熱極似水

君臣佐使外可用一標使如劑中合從辛以達金則取引經
一味辛者倍加之故其效速

一土人形肥色白因名醫雜著謂人皆陰不足服補陰丸至
數十年乃病虛胖短氣予反之用辛熱劑決去滯餘而燥
其重陰乃得平和無恙此則未達方書而往自誤不可不
戒也

欽定四庫全書

石山醫案

前數條出醫通予嘗熟諳以其暗與已合故錄之不忘詩
曰我思古人實獲我心此之謂也

一婦年三十餘十八胎九殯八夭復因驚過甚遂昏昏不省
人事口唇舌皆瘡或至封喉下部白帶如注如此四十餘
日或時少省至欲自縊自悲不堪或投涼劑解其上則下
部疾愈甚或投熱劑或以湯藥薰蒸其下則昏暈欲絕脉
之始知為亡陽症也急以鹽煮大附子九錢為君制以薄
荷防風佐以姜桂芎歸之屬水煎入井水冷與之未盡劑



鼾睡通宵覺則能識人衆訝曰何術也醫曰方書有之假對假真對真爾上乃假熱故以假冷之藥從之下乃真冷故以真熱之藥反之斯上下和而瘡解矣續後再服調元氣藥乃生二子續後又病瘡一年亦主以養元氣待飲食大進然後切以毒藥吐下塊物甚多投附子湯三錢而愈此條亦出醫通以其治病有法用藥有權可謂知通變者也故錄之以為法

一人四十餘色黃白季春感冒發汗過多遂患左脚腿

欽定四庫全書

石山醫案

■厥陰之分微腫而痛不能轉動醫作陰毒治以艾灸予曰陰毒雖無肉變高焮之勢纏綿月餘內必有瘀膿令用毫針深探之惟黃水數點而已後又更醫以鋒針於灸瘡內深入寸許則血大出認為陰毒似有可疑吾以屬於筋痛經曰謂筋痿者耶痿雖軟易其亦有痛者且其痛時遍身筋皆腫脹而右腳內廉筋亦急痛不能屈伸以此驗之筋痛可知矣經曰厥陰少血之經筋之所主過汗則亡血而筋失所養



故急痛也腿_口腫者蓋人身之血猶江河之水洪泛則流沙走石彼細流淺瀕則此阻彼礙而壅腫矣經曰怯者着而成病是也兼之脾胃太虛嘔逆噯氣飲食少進經曰胃者水穀之海脾主與胃與胃行其津液以養皮肉筋脉今胃不受而脾不運筋脉愈失所養矣又曾加以灸砭焦骨傷筋復耗其血丹溪曰血屬陰難成易虧者也茲則針灸妄施則血虛耗矣欲其疾愈豈可得哉且經曰筋枯者舉動則痛是無血

欽定四庫全書

石山醫案

以養俱難治也所幸者精神尚好大便固秘夜卧安靜於此健其脾胃使飲食進則血自生筋自舒腫退痛除庶或可愈其脉初皆細軟而緩按之無力予以獨參湯一兩一劑與之其効甚速予適他往更醫復灸又用參芪歸朮加涼劑胃氣遂不能回矣再診脉變為滑數脉書言瘡科滑脉未潰宜內消已潰宜補益又曰數脉所主為熱其症為虛是脉與症皆屬於虛亦須大補托而出之治亦同法豈得岐而兩途病



居疑似故詳辨之吾常見一婦產後遍身筋痛遂致
不救是以亡血故也

一兒年十一色白神怯七月間發熱連日父令就學內
外俱勞循至熱熾頭痛正合補中益氣湯症失此不
治以致吐瀉食少其父知醫乃進理中湯吐瀉少止
漸次眼合咽啞不言昏昧不省人事粥飲有礙手常
搥住陰囊為灸百會尾骶不應其父質於予予曰兒
本氣怯又當暑月過勞經曰勞則氣耗又曰勞倦傷

欽定四庫全書

石山醫案

脾即此觀之傷脾之病也身熱者經曰陽氣者煩勞
則張蓋謂氣本陽和或勞煩則陽和之氣變為邪熱
矣頭痛者經曰諸陽皆會於頭今陽氣亢極則邪熱
熏蒸於頭而作痛也吐瀉者脾胃之清氣不升濁氣
不降也目閉者蓋諸脉皆屬於目而眼眶又脾所主
脾傷不能營養諸脉故眼閉而不開也咽啞者蓋脾
之絡連舌本散舌下脾傷則絡失養不能言也經曰
脾胃者水穀之海五藏皆稟氣於脾脾虛則五藏皆



失所養故肺之咽嗑為之不利而食難咽故心之神
明為之昏瞶而不知人常欲手搵陰囊者蓋無病之
人陰升陽降一有所傷則升者降降者升經曰陰陽
反作是也是以陰升者降從其類而入厥陰之囊因
陰多陽少故手欲搵之也此皆脾胃之病經謂土極
似木亢則害承乃制也症似風木乃虛象耳不治脾
胃之土而治肝木之風欲兒不死難矣且用參芪朮
各三錢熟附一錢煎用匙灌半酒杯候看如何服後

欽定四庫全書

石山醫案

病無進退連服二三日神稍清目稍開如有生意食
仍難咽予為診之脉皆浮緩不及四至予曰藥病相
宜再可減去附子服之漸漸稍甦初醫作風熱於治
而用荆防芩連蠶歇之類或作驚痰而用牛黃硃砂
輕粉等藥此皆損胃之劑豈可投諸兒今得生幸耳
實賴其父之知醫也或曰經云無伐天和其症又無
四肢厥冷時當苦暑而用附子何也予曰參芪非附
子無速効而經亦曰假者反之正如冬月而用承氣



之類此亦稽時從症之意也

一婦年三十質脆弱產後咳嗽痰臭或作肺癰治愈劇
延及兩脚漸腫至膝大便溏小腹脹痛午後發熱面
紅氣促不能向右卧予診脉虛小而數予曰凡咳嗽
左右向不得眠者上氣促下瀉泄者發熱不為瀉減
者此皆病之反也按此皆原於脾經曰脾主諸臭入
肺腥臭入心焦臭入肝腐臭自入為穢臭盖脾不能
運行其濕濕鬱為熱釀成痰而臭矣經曰左右者陰

欽定四庫全書

石山醫案

陽之道路也脾虛則肺金失養氣劣行遲壅遏道路
故咳嗽氣促不能右卧也脾虛必奪母氣以自養故
心虛發熱而見於午也脾主濕濕勝則內滲於腸胃
為溏泄外滲於皮膚為浮腫令用參朮甘草補脾為
君白朮茯苓滲濕為臣麥門冬以保肺氣酸棗仁以
安心神為佐陳皮前胡以消痰下氣為使用東壁土
以受陽光最多用之以為引用盖土能解諸臭用以
補土亦易為力矣此竊取錢氏黃土湯之義也服一



帖前症畧減病者甚喜予曰未也數帖後無反復方是佳兆否則所謂過時失治後發寒熱真陽脫矣泄而脚重脾氣絕矣何能收救予姪文煥妻亦患此醫作肺癰治而用百合煎湯煮粥食之反劇予診其脉細弱而緩治以參芪甘温等劑不二三貼而愈此由治之早也

一人年逾四十形肥色蒼因勞後入房感風夜半瘧作自汗寒少熱多一日一作醫用清脾小柴胡四獸等

欽定四庫全書

石山醫案

劑不効漸至二日或三日一發予診左脉浮洪虛豁而數右脉虛小散數頭眩耳鳴四肢懶倦手足麻大便澹左脇瘧毋時或夢遺發則嘔吐多痰或辰或午發至酉戌乃退每至三十日連發二次子時發至離明其發微辰時發至酉戌其發如常予用參芪歸朮麥門知母厚朴陳皮大劑與之初服一劑痞塊反高小腹脹痛予曰藥若不瞑眩厥疾弗瘳再當服之數貼後脉皆稍靜不數病者曰脉平而病不減何也予



曰瘧邪已深非數劑之藥旦夕之功所能愈當久服待春分陽氣發揚方得全愈苟惑人言而止藥不惟瘧不能止或癆或鼓難免後憂夫瘧因感風暑寒水而作也經曰皮膚之外腸胃之內氣血之所舍也氣屬陽風暑陽邪而中於氣血屬陰寒水陰邪而中於血先中陽邪後中陰邪則先寒後熱先中陰邪後中陽邪則先熱後寒陽邪多則熱多渴而有汗陰邪多則寒多而熱少氣血受邪而居於其舍悍衛之氣運

欽定四庫全書

石山醫案

行不息不受邪也日行陽二十五度夜行陰二十五度每一刻則周身一度行與邪遇則邪壅遏其道路故與相搏而瘧作也搏則一勝一負負則不與之搏而悍衛無碍故瘧止矣夫邪之盛衰因氣血之盛衰氣血盛邪亦盛氣血衰邪亦衰久則氣血衰或靜養二三日氣血復盛而邪亦盛悍衛行與之遇又復相抗而瘧作此瘧每三十日速發二次者蓋二十八九三十日晦日也陰極陽生之時夜半微陽始生而力



尚弱故瘧發亦輕辰則陽旺矣故瘧亦重此瘧所感
陽邪居多故隨陽氣盛衰而為之輕重其三日一發
者非入於藏也由氣血盛衰而然非若傷寒之傳經
也或曰邪既因氣血而盛衰今補其氣血未免邪亦
盛矣予曰邪之所湊其氣必虛氣血未補終未至於
強健強健邪無容留矣經曰邪正不兩立是也

夫瘧三日一發丹溪以發日之辰分屬三陰而藥
無三陰之別總用撫芎當歸紅花蒼朮黃栢等藥

欽定四庫全書

石山醫案

掣起陽分瘧入陰分由陽虛陷入也須宜陽分助
氣之藥加血藥引入陰分方可掣起專用血藥祇
恐邪愈內陷何以能掣起哉

一人年十九面白質弱因作文過勞夢遺遂吐血碗許
自是微效倦弱後身忽大熱出疹疹愈陰囊痒甚搓
擦水流敷以壁土囊腫大如盞許遂去土以五倍塗
少蜜灸為末敷之遂愈因感風寒其嗽尤甚繼以左
右脇痛予診脉虛而數見其畏風寒嘔惡倦動糞澹



氣促予曰此金極似火也夫心屬火而藏神腎屬水而藏志二經俱屬少陰而上下相通今勞思則神不寧而夢志不寧而遺遺則水不升而心火獨亢也肝屬木而藏血其象震震為雷心火既亢則類相應引動龍雷之火載血而越出乎上竅矣肝脉環遶陰器亦因火擾而痛痒腫脹也火勝金故肺金虛而乾欬皮毛為之合亦為火鬱而發疹大腸為之府故亦傳導失宜而糞澹然金虛不能平木故木火愈旺而凌

欽定四庫全書

石山醫案

脾脾虛則嘔惡而食減經曰壯火食氣脾肺之氣為壯火所食故倦於動作而易感風寒也經言兩脇者陰陽往來之道路也為火阻礙則氣不利而痛矣然火有虛有實有似火而實非火故經言有者求之無者求之虛者責之實者責之此治火之大法也前病之火皆虛非水濕之可折服惟甘溫之劑可以怯除譬之龍雷之火日出則自潛伏矣若用苦寒降火正如雨驟雷烈而火愈熾盛矣世醫治火不惟不求之



有無虛實專泥明醫雜著欬吐紅皆屬陰虛悞服
參芪不救之語槩用滋陰等劑况此服滋陰藥已百
餘貼而病反劇豈可仍以陰虛治之耶且經言形寒
飲冷則傷肺又謂脾胃喜溫而惡寒今用甘溫健其
脾則肺金不虛而咳嗽氣促自愈肝木有制而脇痛
吐血自除虛妄之火亦自熄矣遂用參芪各四錢神
曲山查各七分白朮貝母麥門冬各一錢甘草五分
炒乾姜四分煎服十餘貼脉數減嗽少除精神稍健
欽定四庫全書
石山醫案
但後又適新婚不免耗損真陰將何以制其虛妄之
火耶盖咳屬肺金數脉屬火欬而脉數火尅金也冬
月水旺而見數脉亦違時也大凡病見數脉多難治
療病久脉數尤非所宜此予所以深為之慮也
一婦年三十餘性躁多能素不孕育每啜粥畏飯時或
心痛春正忽大作或作氣而用香燥或作痰而用二
陳或作火而用寒涼因糞結進潤腸丸遂瀉不禁小
便不得獨利又發寒熱熱則欬痰不止寒則戰慄鼓



領肌肉瘦削皮膚枯燥月水不通食少惡心或煩躁而渴或昏昏嗜卧或小腹脹痛諸治罔效醫皆視為死症詣請予往治之右脉浮大弦數左脉稍斂而數熱來左右脉皆大而數寒來脉皆沉微似有似無經言脉浮為虛脉大必病進丹溪謂脉大如葱管者大虛也經又謂弦脉屬木見於右手肝木尅脾土也又以數脉所主為熱其症為虛右脉稍斂者血分病輕也今患素畏飯者是胃氣本弱矣心痛即胃脘痛由

欽定四庫全書

石山醫案

脾虛不運故胃脘之陽不降鬱滯而作痛也瀉泄不禁小便不得獨行者蓋陽主固且經言膀胱者津液之府氣化則能出矣今陽虛不固於內故頻泄也膀胱氣虛不化故小便不得獨行也又寒熱互發者蓋氣少不能運行而滯於血分故發熱血少不得流利而滯於氣分故發寒仲景曰陽入於陰則熱陰入於陽則寒是也寒則戰慄鼓領者陰邪入於陽明也熱則咳痰不已陽邪入於陽明也此則陰陽兩虛故相



交併而然也肌肉瘦削者蓋脾主身之肌肉脾虛食少故瘦削也皮膚枯躁者經曰脾主於胃行其津液脾虛不能運行津液灌溉於肌表故枯躁也月水不通者經曰二陽之病發心脾男子少精女子不月二陽手足陽明腸與胃也陽明虛則心脾皆失所養而血不生故不月也食少惡心躁渴嗜卧皆脾胃所生之症也小腹脹痛者乃陽虛下陷使然也經曰陽病極而下是也乃用人參五錢黃芪四錢白朮三錢為

欽定四庫全書

石山醫案

君升麻八分茯苓一錢猪苓澤瀉各七分為臣蒼朮五分香附七分為佐歸身七分麥門冬一錢為使煎服三貼不効一醫曰此病不先驅邪一主於補所謂閉門留賊一曰此屬陰虛火動今不滋陰降火而徒補氣將見氣愈盛火愈熾矣風鑑相其夫曰奸門青白必主傷妻日者推其命曰運限俱倒其死必矣其夫皺眉告予曰每日扶之似身漸重皮枯異躁恐不濟矣予思仲景有曰泄利不止五藏之陽虛於內寒



熱互發六府之陽虛於外是則內外兩虛在法不治
所恃者年尚壯能受補而矣但病家寧可於死中求
活豈可坐以待斃且補藥無速効今服藥不滿四五
劑即責以効豈王道之醫乎因令勉服前藥六七貼
寒已除但熱不減汗出不止足冷壺盛熱水蒸其足
汗亦過於委中矣續後前症漸減始有生意追思醫
謂不先去邪者因其寒熱往來也然去邪不過汗吐
下三法今病自汗吐痰泄利三者俱矣再有何法而

欽定四庫全書

石山醫案

可施乎且病有實邪有虛邪虛可補而實可瀉今病
屬虛而以實邪治之虛虛之禍咎將誰歸一謂當滋
陰降火因其月事不通病發於夜也且服降火藥遂
小腹脹而大便泄是不宜於此矣殊不知滋陰降火
皆甘寒苦瀉之劑今病食少泄利明是脾虛且脾胃
喜溫而惡寒今泥於是寧不愈傷其胃而益其泄乎
吁危哉故不敢不辨

石山醫案卷下



欽定四庫全書

子部
石山醫案附錄

詳校官太醫院醫士臣趙正范

編修臣倉聖脈覆勘

總校官庶吉士臣何思鈞

校對官助教臣胡予襄

謄錄舉人臣吳之承



欽定四庫全書

石山醫案附錄

明 陳楠 撰

辨明醫雜著忌用參著論

按汝言王公撰次明醫雜著其中有曰若酒色過度傷損肺腎真陰欬嗽吐痰衄血咳血咯血等症此皆陰血虛而陽火旺也宜甘苦寒之藥生血降火若過服參著等甘溫之藥則死不可治蓋甘溫助氣氣屬陽陽旺則

欽定四庫全書

石山醫案

陰愈消故也又云欬嗽見血多是肺受熱邪氣得熱而變為火火盛而陰血不寧從火上升治宜滋陰瀉火忌用人參等補氣之藥又撰次本草集要云人參入手太陰而能補火故肺受火邪欬嗽及陰虛火動勞嗽吐血者忌用之誤用多致不救予嘗考其所序因皆本之丹溪然丹溪予無間然矣而王氏未免有可議者丹溪曰治病必分血氣氣病補血雖不中病亦無害也血病補氣則氣愈虛散矣此所以來王氏陽旺則陰愈消之說



也丹溪又曰補氣用人參然蒼黑人多服之恐反助火
邪而燦真陰此所以又來王氏欬嗽見血多是火盛陰
虛忌用人參補氣之論而集要復有人參補火肺受火
邪勞嗽吐血等症忌用人參之戒也夫王氏之言雖出
丹溪但過于矯揉而又失之於偏也不曰誤服參著多
致不救則曰多服參著死不可治言之不足又復申之
惟恐人以欬嗽失血為氣虛不作陰虛主治也篇末雖
曰亦有氣虛欬血之言又恐人因此言復以欬嗽失血

欽定四庫全書

石山醫案

為氣虛故即繼之曰但此症不多爾是以愈來後人之
惑使凡遇欬血雖屬氣虛終以前言為主而參著竟莫
敢用也殊不知丹溪立法立言活潑潑地何嘗滯于一
隅于此固曰血病忌用參著于他章則又曰虛火可補
參朮生甘草之類又曰火急甚者兼瀉兼緩參朮亦可
是丹溪治火亦未嘗廢人參而不用王氏何獨但知人
參補火而不知人參能瀉火邪丹溪又曰陰虛喘嗽或
吐紅者四物加人參黃栢知母五味麥門冬又曰好色



之人元氣虛欬嗽不愈瓊玉膏肺虛甚者人參膏凡此
皆酒色過傷肺腎欬嗽吐血症也丹溪亦每用人參治
之而無疑王氏何獨畏人參如虎邪叮嚀告戒筆不絕
書宜乎後人印定耳目確守不移一遇欬嗽血症不問
人之勇怯症之所兼動以王氏藉口更執其書以證致
使良工為之掣肘病雖宜用亦不敢用惟求免夫病家
之怨尤耳病者亦甘心忍受苦寒之藥縱至上吐下瀉
去死不遠亦莫知其為藥所害興言及此良可悲哉茲

欽定四庫全書

石山醫案

取丹溪嘗治驗者以證之一人欬嗽惡寒胸痞口乾心
微痛脉浮緊而數左大於右蓋表盛裏虛聞其素嗜酒
肉有積後因行房涉寒冒雨忍饑繼以飽食先以人參
四錢麻黃連根節錢半與二三貼嗽止寒除改用厚朴
青陳皮瓜蒌半夏為丸參湯送下二十服而痞除夫既
欬嗜酒不可謂肺無火也復因行房感冒不可謂陰
不虛也初服人參四錢再用參湯送藥不可謂不多服
也何如不死又一人患乾欬嗽聲啞用人參橘紅

各錢半



之而愈並不見其助火增病者蓋病有所當用不得不	傷陰而用滋陰瀉火之藥然而丹溪率以參耆等劑治	復何如而不死凡此諸病以王氏言之未免皆作酒色	動其血不可謂血不病也服參耆亦不可謂不多也又	嗽痰如膿聲不出者不可謂肺不熱也又以甘辛燥熱	食少倦甚前藥除藕汁加黃芩砂仁半夏半月而愈夫	入藕汁服二日嗽止去麻黃與四日血除但脉散未收	成肺痿遂以參耆歸朮芍藥陳皮生甘草帶節麻黃煎	欽定四庫全書	石山醫案	為甚此勞倦感寒強以辛甘燥熱之劑動其血不治恐	漸有血線自口右邊出晝夜十餘次脉弦大散弱左大	聲不出時春寒醫與小青龍湯喉中有血絲腥氣逆上	多也又何如不死又一壯年因勞倦不得睡效痰如膿	無火邪也不可謂陰不受傷也服人參兩月不可謂不	夜相間服兩月聲出而愈夫患乾效嗽聲啞不可謂肺	芬 <small>分五</small> 入姜煎仍與四物加炒藥童便竹瀝姜汁二藥晝	半夏 <small>錢一</small> 白朮 <small>錢二</small> 知母瓜蒌桔梗地骨皮 <small>各五分</small> 夏加黃
-----------------------	-----------------------	-----------------------	-----------------------	-----------------------	-----------------------	-----------------------	-----------------------	--------	------	-----------------------	-----------------------	-----------------------	-----------------------	-----------------------	-----------------------	---	--



用也雖勞嗽吐紅亦有所不避也且古今治勞莫過于
葛可久其保真湯獨參湯何嘗廢人參而不用但詳其
所挾之症何如耳豈可謂其甘溫助火一切棄而不用
哉肺受火邪忌用人參其原又出於海藏本草液之所
云而丹溪實繹其義不意流弊至于如此又嘗因是而
推廣之丹溪曰蒼黑之人多服參著恐助火邪而燥真
陰肥白之人多服最好此固然矣考其嘗治一人形瘦
色黑紫多酒不困年半百有別館一日大惡寒發戰言

欽定四庫全書

石山醫案

渴不飲脉大而弱右關稍實畧數重則瀋以王氏觀之
以形色論之正合滋陰瀉火之法而丹溪謂此酒熱內
鬱不得外泄由表熱而虛也用黃耆_二乾葛_一煎飲之
大汗而愈既不以蒼黑忌用參著為拘亦不以酒色傷
陰忌服參著為禁是知丹溪立言以示人者法之常施
治而不以法為拘者善應變也王氏但知其立法之常
而未察其治不以法為拘之變故於參著等劑每每畏
首畏尾若不敢投蓋亦未之考也雜著所制諸方雖未



嘗盡廢參著察其用處必須脉之細微而遲者方始用也然而東垣丹溪之用參著亦不專在于此東垣曰血虛脉大症象白虎誤服白虎湯者必死乃用黃耆錢六當歸錢一名曰當歸補血湯以治之是血虛脉大東垣亦嘗用黃耆矣丹溪曰一人滯下一夕昏仆目上視溲注汗泄脉大無倫此陰虛陽暴絕也蓋得之昏後酒色急灸氣海服人參數斤而愈是陰虛脉大丹溪亦嘗用人參矣豈必脉之細微遲者而後用哉考之本草仲景治亡

欽定四庫全書

石山醫案

血脉虛以人參補之取其陰生于陽甘能生血故血虛氣弱仲景以人參補之是知人參不惟補氣亦能補血況藥之為用又無定體以補血佐之則補血以補氣佐之則補氣是以黃耆雖專補氣以當歸引之亦從而補血矣故東垣用黃耆六錢只以當歸一錢佐之即名曰補血湯可見黃耆功力雖大分兩雖多為當歸所引不得不從之補血矣矧人參功兼補血者邪人參性味不過甘溫非辛熱比也稍以寒涼佐之必不至助火如此



之甚雖曰積溫成熟若中病即已亦無是也夫芎歸味
辛甘溫世或用治勞熱血虛之病並無所疑然辛主耗
散本非血虛所宜彼人參雖甘溫而味不辛比之芎歸
孰輕而孰重哉抑勞嗽吐血陰虛之病亦有始終不用
人參莫克全其生者何也或肉食不節則古人所謂厚
味屠熱也或房勞不遠則古人所謂縱欲傷生也二者
不謹而獨致畏於人參是謂不能三年之喪而總小功
之察何其謬邪噫醫之用藥固所當審不可輕視人之

欽定四庫全書

石山醫案

生死如欬嗽失血等症若果脾強胃健飲食無阻則當
從王氏所論與之滋陰瀉火固無不可設或上兼嘔逆
中妨飲食下生泄洩汗自泄而洗洗惡寒四肢倦而兀
兀多睡則又當從陰虛陽虛權其輕重而兼治之可也
苟不如此而專主乎王氏未免陷于一偏而有無窮之
患矣故予不得不極論之莫辭乎僭踰之罪焉

正德庚辰二月朔旦新安祁門省之撰

病用參芪論

門人和溪程鑄廷彝撰



夫氣屬陽血屬陰陽衛于外陰守于中陽動陰靜動多則發泄而外虛靜多則神藏而內固外虛者邪易入內固者疾難攻故曰邪氣乘虛而入又曰邪之所湊其氣必虛是人之安危皆由陽氣之虛實也經曰陽精所降其人天陰精所奉其人壽蓋陽主發泄故皮膚踈豁而陽氣不藏所以多天陰主收斂故湊理閉密而陽不妄泄所以多壽是人之壽夭亦由陽氣之存亡也經曰無泄皮膚使氣亟奪又曰冬不按蹻無擾乎陽是聖人未

欽定四庫全書

石山醫案

常不保養其陽矣故仲景之傷寒東垣之脾胃皆以陽氣為主而參芪為所必用之藥也故曰參芪補陽經言陽常有餘而補之寧不犯實實之戒乎予曰慄悍之衛其氣不虛無待于補丹溪曰此氣若虛則一旦暴絕而死矣茲所補者乃榮中之衛其氣曷常不虛經曰勞則氣耗悲則氣消又曰熱傷氣精食氣又曰壯火食氣非藉于補安能營運于外而為血所使哉參芪之補補此營中之氣也補營之氣即補營也營者陰血也丹溪曰



人身之虛皆陰虛者此也或曰慄悍之衛不受邪也仲
景何謂寒傷營風傷衛乎余曰此亦指營中之衛也邪
之所傷藥之所治皆此營衛耳或曰經言水之精氣為
營營行脉中不能行於脉外無分晝夜周流不休定息
數應漏刻屬於陰也食之濁氣為衛衛行脉外不能入
於脉中晝但行陽二十五度夜則行陰二十五度不與
營同道不與息數應屬於陽也內經所論營衛如此未
聞營中有衛也予曰內經所論以陰陽對待言特舉其

欽定四庫全書

石山醫案

大者耳細而分之營中亦自有衛也易曰陽奇陰偶故
悍衛為陽而奇營血屬陰則兩也或曰營中之衛亦分
晝夜內外乎余曰無分晝夜而內外相通營行脉中而
亦行于脉外凡皮膚有傷不待內及于經即便血出可
見亦行於脉外矣衛行脉外亦行於脉中蓋血屬陰而
主靜苟非氣貫其中安能周流而灌溉可見亦行於脉
中矣或曰營中有衛有所本乎予曰本靈樞也靈樞曰
人受氣于穀穀入于胃以傳于肺五臟六腑皆以受氣



氣之清者為營濁者為衛營行脉中衛行脉外衛行脉外營周不休又曰其浮氣循于經者為衛氣其精氣行于經者為營氣又曰營衛者精氣也又曰營氣衛氣皆津液之所成是靈樞所言皆營衛同一氣營衛一氣則營中有衛可知矣故曰營與衛異名而同類是也內經分而言之則營衛不同道靈樞合而言之則營衛同一氣也或曰經言某經氣多血少某經氣少血多亦此營衛耶余曰此指各經稟受氣血多少而言非此流行之

欽定四庫全書

石山醫案

營衛也營衛流行安得行至某經而血加多行至某經而血加少耶然營氣衛氣皆藉水穀而生故人絕水穀者死經曰脾胃者水穀之海但脾胃受傷不一經曰飲食傷脾又曰勞倦傷脾又曰憂思傷脾與夫房勞大怒大驚莫不皆傷脾與胃也是以諸病亦多生于脾胃此東垣所以拳拳於脾胃也脾胃有傷非藉甘溫之劑烏能補哉經曰脾胃喜溫而惡寒參芪味甘性溫宜其為補脾胃之聖藥也脾胃無傷則水穀可入而營衛有所



資元氣有所助病亦不生邪亦可除矣故諸病兼有嘔吐泄瀉痞滿食少怠倦嗜卧口淡無味自汗體重精神不足懶于言語惡風惡寒等症皆脾胃有傷之所生也須以參芪為主其他諸症可隨証加入佐使以兼治之但佐使分兩不可過多于主藥耳或者病宜參芪有用之而反害者非參芪之過乃用者之過也如病宜一兩祇用一錢而佐使分兩又過于參芪則參芪奪於羣衆之勢弗得以專其功矣以此而歸咎于參芪寧不惑哉

欽定四庫全書

石山醫案

或者病危有用參芪無益者經曰神不使也夫藥氣賴神氣而為助病壞神離雖參芪亦無如之何矣又謂參芪性溫祇恐積溫成熟又謂參芪補氣尤恐氣旺血衰殊不知有是病用是藥有病則病氣當之何至於積溫成熟氣旺血衰乎且參芪性雖溫而用苓連以監之則溫亦從而輕減矣功雖補氣而用枳朴以制之則補性亦從而降殺矣慮其滯悶也佐之以辛散慮其助氣也輔之以消導則參芪亦莫能縱恣而逞其惡矣或曰吐



血衄血崩明是血病今見亦用參芪寧免血愈虛耶
東垣曰脫血益氣古聖人之法也仲景曰陽旺則生陰
靈樞曰上焦開發宣五穀味兼膚充身澤毛若霧露之
溉是謂氣中焦受氣取汁變化而赤是謂血是能生血
可知矣且造化之理氣惟陽能生陰而陰不能生陽故
血虛也仲景以人參補之血崩也東垣以參芪固之今
之得醫道正傳者其治血病或用參芪蓋本於此夫豈
率意而妄用哉予幸受業於石山汪先生見其所治之

欽定四庫全書

石山醫案

病多用參芪蓋以其病已嘗遍試諸醫歷嘗諸藥非發
散之過則降泄之多非傷于剛燥則損于柔潤胃氣之
存也幾希矣而先生最後至不得不用參芪以救其胃
氣實出于不得已也非性偏也其調元固本之幾節宣
監佐之妙又非庸輩可以測識是以往往得收竒効全
功而人獲更生者率多以此或者乃謂其不問何病而
專以參芪為劑是不知先生也予嘗得之於觀感之餘
而心獨識之故筆之于篇誠恐或有所遺忘也若以此



而語之人則必笑而且排謂予何愚之甚

先考府君古朴先生行狀

府君諱渭字以望別號古朴世為祁門臨清之朴墅人
出唐越國公華長子朗州法曾建之後建四傳至琦始
遷古黟赤山鎮即今祁門縣也其後有諱新一者元季
復遷今居曾祖諱乾字德高以善名於鄉國初禁嚴動
觸法網得以善終人謂其良善所致嘗謂耆老民間利
病多有建白衆感其德遂聞于官為立坊表于市扁曰

欽定四庫全書

石山醫案

崇善特署其名以誌異祖諱道昱字仕政殫其財力脫
親于難篤孝志養克亢厥宗考諱輪字世構深沉善謀
臨事奮決佐父理家政竭力苦思弗之恤故仕政公得
以充拓其業者多世備公力也妣方氏休寧大坑彥靜
公女得公最晚深所鍾愛為兒童時仕政公見之輒曰
此兒過于嬌養異日殆覆吾家及長公每以此自勵衣
不錦綺食甘粗淡惟恐有墜以辱先人同產弟侄或欲
以田之貴而少者易彼田之賤而多者公曰以少易多



固為有利然此筆一動其流之弊漸趨於下恐併其賤者而失之諺曰一馬換三驢三驢換九兔正此謂也吾平生未嘗有一賣字與人特以此耳固執不從同輩有經商糶載而歸者妻孥夜聚燈下或以語公耳若弗聞見人富貴未嘗羨慕遇貧下亦不辱嫚素不好飲頗喜奕碁或優游泉石或往返鄉鄰于一切世務漠如也然性朴實簡易不事邊幅人有善行則樂道之惟恐其為之不力人有不善則面詰之不為少隱蓋公素以直聞

欽定四庫全書

石山醫案

人亦不以為怪又嘗服役縣治吏胥輩覘公坦率欺給稱貸公皆受券貸之既不詰其詐亦不責其償年六十學士篁墩公皆賦古朴行一章以贈之可謂深得公之心也凡諸技藝之流亦皆達其肯綮技之巧拙莫得而欺之皆服其有識機備員邑庠時舉行鄉飲有陰求為鄉老者機以語公公深恥之以不與為榮後同輩有以公名上者機覘知公意乃告之曰家君素性閑散一旦拘之以禮法煩之以拜跪是違其志也遂以寢其請公



年八十恩例當得冠帶表兄陳世用于公為舅甥時為
雄縣尹奉為冠帶公壽公曰此非吾所樂也却之不受
其不願乎外也如此世備公亦知醫至公益精其業東
垣丹溪諸書誦讀不釋手嘗曰東垣主于升陽補氣丹
溪主于滋陰降火東垣丹溪易地則皆然然病當升陽
治法則從東垣病當滋陰治法則從丹溪不可以南北
異宜而執泥也有病者求診即往應之報不報弗之計
休寧流口李氏長于產科有李君愛妻謝氏形肥而長

欽定四庫全書

石山醫案

面色紫淡產後病喘不能卧消穀善饑汗出如洗其家
依法治之不驗請公診視曰此陰虛陽亢當合東垣丹
溪兩法治之遂飲以藥旬餘而愈彼乃笑語人曰藥乃
聽公使也我亦此藥但不聽我使耳公聞之曰醫之用
藥如將之用兵使之以道則從使之以道弗聽或分
兩失多寡之宜補瀉亂君臣之等皆使之以道也夫
何聽之使邪衆服其言又大坑方汝高公表弟也尹德
興日嘗染瘴瘧久不愈醫以瘧治或作或輟延及二年



請公往治公曰此虛癰也初因內食膏粱外感暑熱厚
味為暑所鬱聚而為痰故成此病醫與癰藥率多燥烈
祛痰之劑今已無痰可去但病久胃虛暑邪深入無從
而出但補其正氣充實則邪無容留矣經云邪之所湊
其氣必虛又云壯者氣行則愈怯者著而成病此之謂
也遂先用補中益氣湯以復其正繼用清暑益氣湯以
逐其邪月餘病果獲安邑東孚溪李瑕公妻姨子也忽
以背癰告急懇公治之有謝某者已為驅熱拔毒痛腫

欽定四庫全書

石山醫案

已熾遂告技窮公胗之曰此易易耳無用藥也遂煎醋
一碗入鹽少許以紙數重漬塌腫上再以銅斗盛火熨
之不數易而病如失謝某在傍熟視因相謔曰公治此
病只消醋一碗耳邑庠生饒廷信面頰有核不紅不痛
漸覺高起彼深惡之乃告于公公取毫針燒而刺之以
藥絳其針孔令日絳藥三次七日乃止或有焮痛可取
冷水沃之復語之曰再得七日核當脫去我別以膏藥
俾之復過七日則平復矣一如公言同里謝君恕之機



舊親家也壯歲嘗病左脚痺痛醫作風治不愈邀公診
視公曰人身之血猶溪河之水也細流則阻滯得冷則
凝聚此病得于新娶之後未免血液勞損而凝礙加以
寒月涉水益其滯安得不痺滯久不散鬱而為熱而成
毒腫若能預加滋養庶幾毒潰可免後患遂令服四物
湯加牛膝紅花黃栢等四五十貼其家見病不退復疑
欲用風藥公曰補藥無速効病邪不退藥力未至也令
守前方每貼加人參四五錢痺除而肌亦易長後覺左

欽定四庫全書

石山醫案

脚縮短四五寸衆以為蹙公曰年尚壯無慮也候血氣
充足則筋得所養而自伸矣後果平復如故婺源延山
有余姓者病噎人皆謂其不起邀公往視以此正合丹
溪胃口乾槁之論例用五膈寬中平胃散病在決死若
能滋陰養血補脾開胃加之竹瀝以清痰人乳以潤燥
庶或可生其家依法治之而愈歛西莘墟吳處士綱年
踰六十味厚形腴病背左右脾下對發兩疽于公為世
契致書懇請是時澄潭吳外科者已為處治公至診視



良久乃起語其家曰病不可為矣復叩吳醫曰此病從何而起曰毒熱有虛實耶曰毒熱內攻癰腫外作無虛病也作何處治曰宣熱敗毒而已在何經絡吳遂默然公曰經云榮氣不從逆於肉理乃生癰腫蓋謂老年之人血少凝沮加之厚味作痰阻塞經路血行肉理豈能從順不阻于此則留于彼舊汚之血既凝新來之血復滯因仍穢積鬱而為熱是以血肉化膿而潰爛也況邪之所湊其氣必虛安有老年無虛證耶始若補養正氣

欽定四庫全書

石山醫案

使復健運之常或可衝蕩邪著尚有可生之理茲乃不分經絡不辨虛實不審時令不別冷熱槩用連翹托裏五香連翹等湯所謂盲人騎瞎馬半夜臨深池保其無危難矣明日遂歸病果不起公之治療不苟大率類此其他竒中奏捷莫能盡述此特舉其大畧者耳祖妣喪後二年世備公七十有二夜半卒病左體痿痺公愕然曰老年而得是病藥難倚仗莫若時具甘旨以保終其天年庶幾少逭人子之責于是左右奉養席地夜坐卧



其側者三年未嘗少懈衣被穢污不敢委之他人恐其
有嫌常挈至河躬洗濯之同里謝君賓時或見之後常
以此語機輒加稱歎及卒塋祭以禮墓雖限以大河去
家五里不時展省至老不倦嚴寒盛暑亦不為阻手植
松栢果木不數歲鬱然成林配儒人方氏亦休寧大坑
邦用公女性迂遲整潔勤於女工尤善守舊迨公遣嫁
二女率多藉其舊時資裝閨閫之中器物各有定處截
然不亂几案時加整拭絕無塵垢衣服簪珥雖不華靡

欽定四庫全書

石山醫案

常潔如新然公之業有所增益者孺人與有力焉一門
妯娌多其族之姊妹或伯叔他出或攜兒女往萃其室
相與話舊每至夜分常令二婢守夜以俟其歸時婢皆
及笄公每就牀鼾寢旁若無婢其遠女色如此人謂其
壽多病少或由于此族衆創立宗祠公始聞之喜動顏
色祠去所居之南二里許公年八十日常杖屨以臨惟
恐事之不成也正德乙亥冬十有二月念二日子機歸
自歛見公暴日堂廡進而揖曰安否何如公曰近病氣



喘望汝甚急汝歸吾無憾矣扶歸寢室尚覺如常越二日忽語機曰不出三日吾與汝訣別矣機駭問曰何為遽出此言公曰病喘而氣口脉陷理無可生機急以生脉湯進公却之曰壽比吾父已多八年世無不散筵席何以藥為再明日機又問飲粥否公曰汝婦平素烹調稍適吾口可令煮粥半盂以飼我婦乃如命躬奉以飼公即吞嚥無阻既而復寢少頃起語機曰婦等尚在耶皆應曰在公乃舉手作揖曰謝諸婦矣是夕二鼓公乃凭

欽定四庫全書

石山醫案

几俯卧意似甚煩機強扶掖就牀以手熱熨其足問之尚應聲曰亦覺頗快忽又問母所在機曰假寢帷側公乃唯唯鞠躬手撫膺而遂逝焉是夜念六日也嗚呼痛哉距生宣德癸丑某月日享年八十有三孺人方氏諱月貞歿正德庚辰十二月念六日距生宣德己酉某月日享年九十有三嘉靖改元壬辰十月十五日合葬於邑東小魁源坐亥面巳子男三人長輝次機次柱三媳程氏謝氏吳氏女二蘭秀妙秀孫男八耀炁勳炯煥焮熒



燧孫女四奇仙妃仙淑仙葢仙曾孫男八天秩應達應
遠龍壽天倫應遠 某曾孫女四含英初英天弟 某俱

幼嗚呼古人有言創業固難守成不易故國君以能守
社稷為孝士庶人以能守田廬為孝今公之守先業也
兢兢業業不失尺寸亦可謂能守而孝者矣其他儉以
奉身而不慕乎外惠以及物而不施其勞寡嗜慾尚簡
易遠酒色是皆公之德之可法者也豈容嘿嘿機幼承
庭訓遣入邑庠既而告歸于家幸得以志養公甚樂之

欽定四庫全書

石山醫案

深愧不才不能為世用以遂顯揚之願追思夙昔五內
崩摧今公之歿也又不能以發其幽光之萬一不孝之
罪莫此為甚爰謹述平生大槩為狀于右以求當代立
言君子庶有所徵云非敢妄為之說以貽公羞也
嘉靖元年秋九月望日不孝男汪機泣血謹狀

石山居士傳

鏡山散人李汛彥夫撰

居士姓汪名機字省之其先出越國公華長子朗州法
曹建之後四傳至疇者始遷古黟赤山鎮即今祁治石



山也其後諱新一者元季復遷石山之南曰朴墅鄉人本其所自出尊之曰石山居士云居士性恬淡不喜奢靡動法古人一本於誠言出未嘗不踐平居粗衣糲食類儉者至義之所當為視棄百金如一羽耳其弟柱客死廣東海徼命子昺往取具柩備歷艱險始克柩歸而所費一無所問達祖墳墓失業他姓率衆復之費尤不較族人欲立宗祠籌之工鉅非白金六十斤餘不可衆難之居士即任十之二曰尊祖敬宗又何惜焉于是衆

欽定四庫全書

石山醫案

皆趨赴不日而成處家庭和易不苟人皆樂從如嫁娶喪祭並依家禮立規行二十餘年罔有違者御傭工佃人俱有恩嘗戒其子弟曰民有四業皆不可離義之一字其立心制行大畧如此早歲習春秋經補邑庠弟子員屢試不利其考以望公喻之曰昔范文正公嘗自禱曰不為良相願為良醫意謂仕而不至于相則其澤之所及顧不若醫之博耳蓋翁嘗以醫活人至數千指故以此喻居士悟即棄去科舉浮文肆力醫家諸書叅以



周易及儒先性理奧論而融會於一皆餘醫所未聞也
其母儒人病頭痛嘔吐十餘年居士起之如故以望公
晚年三染疾亦三起之公曰醫力如此牲鼎何足羨耶
於是益加研究診治病者百試百中疾如桴鼓聲名益
彰遐邇以疾來請者無虛日居士隨請隨就不可起者
直告之不隱可起者竭力治之至忘寢食若王公貴人
稍不為禮不應也其自重又如此久之求者益衆所應
益博活人至數萬指都里姓名脉色及方症其徒周臣

欽定四庫全書

石山醫案

許忠歷歷紀之為書曰石山醫案試畧言之郡侯張歙
齋公年逾五十過勞怠倦煩悶惡食不爽居士診之脉
浮小濡緩曰此合東垣勞倦傷脾之論也冬春宜做補
中益氣湯例夏秋宜做清暑益氣湯例依法守方服之
良愈又常慮子遲居士復為診之曰浮沉各得其位大
小不踰其矩後當有子果如所言歙呈坎羅斯總年踰
三十病中滿朝寬暮急屢醫不效居士診視脉浮小而
弦按之無力曰此病宜補以人參二錢白朮茯苓各一



錢黃芩木通歸尾川芎各八分梔子陳皮各七分厚朴五分煎服且喻之曰初服畧脹久則寬矣彼疑氣無補法居士曰此世俗之言也虛氣不補則失其健順之常痞滿無從消矣經曰塞因塞用正治此病之法也服之果愈其弟斯俊形實而黑病效痰少聲嘶間或咯血居士診之右脉大無倫時復促而中止左脉比右畧小而軟亦時中止曰此肺脾腎三經之法也蓋秋陽燥烈熱則傷肺加之以勞倦傷脾脾為肺母母病而子失其所

欽定四庫全書

石山醫案

養女色傷腎腎為肺子子傷必盜母氣以自奉而肺愈虛矣法當從清暑益氣湯例而增減之以人參二錢或三錢白朮白芍麥門冬茯苓各一錢生芎歸身各八分黃栢知母陳皮神曲各七分少加甘草五分煎服或曰明醫雜著云凡病喘嗽欬血肺受火邪誤用參耆多致不救謂何曰醫者意也徒泥陳言而不知變烏足以言醫人參雖溫雜于酸苦甘寒羣隊藥中奪于衆勢非惟不能為害而反為之用矣孟子曰一薛居州獨如宋王



何此之謂歟患者聞之喜曰非通儒者論不及此銳意煎服月餘而安羅汝聲年五十餘形瘦而黑理踈而澁忽病腹痛午後愈甚醫曰此氣痛也治以快氣之藥痛益加又曰午後血行陰分加痛者血滯于陰也煎以四物湯加乳沒服之亦不減詣居士診之脉浮細而結或五七至一止或十四五至一止經論止脉漸退者生漸進者死今止脉頻則反輕踈則反重與脉經實相矛盾居士熟思少頃曰得之矣止脉踈而痛甚者以熱動而而脉速頻而反輕者以熱退而脉遲故耳病屬陰虛火動無疑且察其病起於勞欲勞則傷心而火動欲則傷腎而水虧以人參白芍補脾為君熟芩歸身滋腎為臣黃栢知母麥門冬清心為佐山查陳皮行滯為使人乳童便或出或入惟人參漸加至四錢或五錢遇痛進之即愈或曰諸痛與瘦黑人及陰虛火動參耆並在所禁今用之顧効謂何居士曰藥無常性以血藥引之則從血以氣藥引之則從氣佐之以熱則熱佐之以寒則寒

欽定四庫全書

石山醫案



在人善用之耳況人參不特補氣亦能補血故曰血虛
氣虛當從長沙而用人參是也所謂諸痛不可用參芪
者以暴病形實者言耳羅君年踰五十氣血向衰矣不
用補法氣何由行痛何由止經曰壯者氣行則愈是也
或者唯唯臨河程正剛年三十餘形瘦體弱忽病上吐
下瀉勺水粒米不入口者七日自分死矣居士診脈八
至而數曰當仲夏而得是脈暑邪深入也上吐下瀉不
納水穀邪氣自甚也宜以暑治焉或曰深居高堂暑從

欽定四庫全書

石山醫案

何入居士曰東垣云遠行勞倦動而得之為傷熱高堂
大廈靜而得之為傷暑此正合靜而傷暑之論也但彼
用溫熱以暑邪在表此則暑邪已深入矣變例而用清
涼之劑可也遂以人參白虎湯進半杯良久再進一杯
遂覺稍安家人皆大喜曰藥能起死回生果然三服後
減去石膏知母再以人參漸次加作四五錢黃栢陳皮
麥門冬等隨所兼病而為佐使一月後平復如初程福
仁體肥色白年近六十痰喘聲如曳鋸夜不能卧居士



診之脉浮洪六七至中或有一結曰喘病脉洪可治也
脉結者痰礙經隧耳宜用生脉湯加竹瀝服之至十餘
貼稍定患者嫌遲更醫服三拗湯猶以為遲益以五拗
湯危矣其弟曰汪君王道醫也奈何欲速至此于是復
以前方服至三四十貼病果如失一婦形肥色淡紫年
幾三十艱于育子居士脉之兩尺脉皆沉微法當補血
以形言之肥人氣虛亦當補氣遂令多服八物湯仍以
補陰丸加參耆空腹吞之三月餘有孕復為診之兩尺

欽定四庫全書

石山醫案

如舊以理論之孕不當有昔人云脉難盡憑殆此類歟
侍御槐塘唐君景之形肥色黑素畏熱而好飲年三十
餘忽病自汗如雨四肢俱痿且惡寒小便短赤大便或
溏或結飲食亦減醫作風治用獨活寄生湯小續命湯
弗效五月間居士往視脉沉細而數約有七至曰此痿
症也丹溪云斷不可作風治經云痿有五皆起於肺熱
只此一句便曉其治之法矣經又云治痿獨取陽明蓋
陽明胃與大腸也胃屬土肺屬金大腸亦屬陽金金賴



土生土虧金失所養而不能下生腎水水涸火盛肺愈
被傷況胃主四肢肺主皮毛今病四肢不舉者胃土虧
也自汗如雨者肺金傷也故治痿之法獨取陽明而兼
清肺經之熱正合東垣清燥湯服百貼果愈鄭村汪鈿
長瘦體弱病左腹痞滿穀氣偏行于右不能左達飲食
減大便滯居士診其脉浮緩而弱不任尋按曰此土虛
木實也用人參補脾枳實泄肝佐以芍藥引金泄木輔
以當歸和血潤燥加厚朴陳皮以寬脹兼川芎山梔以

欽定四庫全書

石山醫案

散鬱服十餘貼稍寬因糞結滯思飲人乳居士曰祇恐
大便滑耳果如言遂辭乳媪仍服前藥每貼加人參四
五錢後思香燥物曰脾病氣結香燥無忌也每日因食
燥樵一二十枚炙蒸餅十數片以助藥力年餘而安庠
生羅君輔年三十餘嘗因胃寒發熱醫用發表不愈繼
用小柴胡熱熾汗多遂昏昏憤憤不知其身之所在卧
則如雲之停空行則如風之飄毛兼又消穀善饑夢遺
諸証居士觀其形類肥者曰此內火燔灼而然虛極矣



診其脉皆浮洪如指曰脉經云脉不為汗衰者死在法
不治所幸者脉雖大按之不鼓形雖長而色尚蒼可救
也醫以外感治之所謂虛其虛誤矣經云邪氣乘虛而
入宜以內傷為重遂以參耆歸朮大劑少加桂附服十
餘貼病減十之二三再除桂附加芍藥黃芩復十餘貼
病者始知身卧于牀足履于地自喜曰可不死矣服久
果起槐充胡本修監生年踰三十形肥色白酒中為人
折辱遂病心恙或持刀或踰垣披頭大叫居士診之脉

欽定四庫全書

石山醫案

濡緩而虛按之不足曰此陽明虛也宜變例以實之庶
幾可安先有醫者已用二陳湯加紫蘇枳殼等藥進二
三貼矣聞居士言即厲聲曰吾治將瘥誰敢奪吾功乎
居士遂告回醫投牛黃清心丸如彈丸者三枚初服頗
快再服燥甚三服狂病倍發撫膺號曰吾熱奈何急呼
水救命家人守醫者言禁不與趨樓見神前供水一盃
一呷而盡猶未快也復趨廚房得水一桶滿意飲之狂
勢始減半其不死幸爾復請居士治之以參耆甘草甘



溫之藥為君麥門冬片黃芩甘寒之劑為臣青皮踈肝
為佐竹瀝青痰為使芍藥茯苓隨其兼証而加減之酸
棗仁山梔子因其時令而出入之服之月餘病遂輕然
或目系漸急即瞽昧不知人事良久復甦居士曰無妨
此氣血未復神志昏亂而然令其確守前方夜服安神
丸朝服虎潛丸以助其藥力年餘熟寢一月而瘥越十
餘年因久坐腰痛肩膊痛延左脚及右脚又延及左右
手不能行動或作風症而用藥酒或作血虛而用四物

欽定四庫全書

石山醫案

湯一嚥即痛蓋覆稍熱及用針砭痛益甚煎服熟地黃
或吞虎潛丸又加右齒及面痛甚季秋始請居士診之
脉濡緩而弱左脉比右較小或濇尺脉尤弱曰此痿証
也彼謂痿証不痛今以肢痛為痿惑也居士曰諸痿皆
起于肺熱君善飲則肺熱可知經云治痿獨取陽明陽
明者胃也胃主四肢豈特脚邪痿兼濕重者則筋緩而
痿軟兼熱多者則筋急而作痛因檢橘泉翁傳示之始
信痿亦有痛也又經云酒客不喜甘熱芡味甘而虎潛



丸益之以蜜則甘多助濕而動胃火故右齒面痛也遂
以人參二錢黃芪錢半白朮茯苓生地黃麥門冬各一
錢歸身八分黃栢知母各七分甘草四分煎服五貼病
除彼遂棄藥季冬復病仍服前方而愈溪南吳道濟妻
年踰三十無子診視其脉近和惟尺部覺洪滑耳問得
何病曰子宮有熱血海不固爾道濟曰然每行人道經
水則來乃喻以丹溪大補丸加山茱萸白龍骨止澁之
藥以治其內再以亂髮及白礬灰黃連五倍子為末用

欽定四庫全書

石山醫案

指點水染入陰戶以治其外依法治之果愈而孕吳傳
芳妻年逾五十病左脚膝攣痛不能履地夜甚于晝小
腹亦或作痛診其脉浮細緩弱按之無力尺脉尤甚病
屬血衰遂以四物湯加牛膝紅花黃栢烏藥連進十餘
貼而安吳良鼎形瘦而蒼年逾二十忽病欬咯血兼
吐黑痰醫用參朮之劑病愈甚居士診之兩手寸關浮
軟兩尺獨洪而滑此腎虛火旺而然也遂以四物湯加
黃栢知母白朮陳皮麥門冬之類治之月餘尺脉稍平



腎熱亦減依前方再加人參一錢兼服枳朮丸加人參
山梔以助其脾六味地黄丸加黃栢以滋其腎半年全
愈吳富孫之媳年幾三十因夫在外納寵過于憂鬱患
嗽甚則吐食嘔血兼發熱惡寒自汗醫用葛氏保和
湯不効居士診其脉皆浮濡而弱按之無力晨則近駛
午後則緩曰此憂思傷脾病也脾傷則氣結而肺失所
養故嗽家人曰神醫也遂用麥門冬片黃芩以清肺陳
皮香附以散鬱人參黃耆芍藥甘草以安脾歸身阿膠

欽定四庫全書

石山醫案

以和血服數貼病稍寬後每貼漸加人參至五六錢月
餘而愈竦塘黃崇貴年三十餘病水腫面光如胞腹大
如箕脚腫如槌飲食減少居士診之脉浮緩而濡兩尺
尤弱曰此得之酒色宜補腎水家人駭曰水勢如此視
者不曰通利則曰滲泄先生乃欲補之水不益劇耶曰
經云水極似土正此病也水極者本病也似土者虛象
也今用通利滲泄而治其虛象則下多亡陰滲泄耗腎
是愈傷其本病而增土濕之勢矣豈知亢則害承乃制



之旨乎遂令空腹服六味地黄丸再以四物湯加黃柏
木通厚朴陳皮參朮煎服十餘貼腫遂減半三十貼全
愈侍御涇縣蕭君吉夫年逾五十患眩暈澁澁體倦夢
遺心跳通夜不寐易感風寒諸藥俱不中病居士診之
脉或浮大或小弱無常曰此虛之故也丹溪云肥人氣
虛宜用參芪又云黑人氣實不宜用之果從形歟抑從
色歟居士熟思之色雖黑而氣虛當從形治遂以參芪
為君白朮茯苓木通為臣山梔子酸棗仁麥門冬為佐

欽定四庫全書

石山醫案

陳皮神曲為使煎服晨吞六味地黄丸夜服安神丸餘
年病安休寧程勇年三十餘久病癩症多發于晨盥時
或見如黃狗走前則昏瞽仆地手足痠癢不醒人事良
久乃甦或作痰火治而用芩連二陳湯或作風痰治而
用全蝎姜蠶壽星丸或作痰迷心竅而用金箔鎮心丹
皆不中病居士診之脉皆緩弱頗弦曰此木火乘土之
病也夫早晨陽分而狗陽物黃土色胃屬陽土虛為木
火所乘矣經云諸脉皆屬於目故目擊異物而病作矣



理宜實胃瀉肝而火自息本草云泄其肝者緩其中遂以參芪歸朮陳皮神曲茯苓黃芩麥門冬荊芥穗煎服十餘貼病減再服月餘而安學士篁墩程先生形色清癯肌膚細白年四十餘患眩暈四肢倦怠夜寐心悸言亂或用加減四物湯甘寒以理血或用神聖復氣湯辛熱以理氣又或作痰火治或作濕熱治俱不効遣書請居士診之脉皆沉細不利心部散濇曰此陰脉也脾與心必因憂慮所傷宜倣歸脾湯例加以散鬱行濕之藥

欽定四庫全書

石山醫案

先生喜曰真切真切服數貼病果向安一夕因懊惱忽變急請診視脉三五不調或數或止先生以為怪脉居士曰此促脉也無足慮焉曰何如而脉變若此曰此必怒激其火然也先生哂曰子真神人邪以淡酒調木香調氣散一匕服之其脉即如常汊口孫以德形肥色紫年逾五十頸項少陽之分癰腫如椀居士診之脉浮小而滑乃語之曰少陽多氣少血之經宜補若用尋常驅熱敗毒之藥癰潰之後難免別患彼以為然遂煎參芪



歸朮膏一二斤用茶調服無時蓋茶能引至少陽故也旬
餘癘潰而起程貴英形長而瘦色白而脆年三十餘得奇
疾遍身淫淫循行如蟲或從左腳腿起漸次而上至頭復
下于右腳自覺蟲行有聲之狀召醫診視多不識其為何
病居士往診其脉浮小而濡按之不足兼察其形視其色
參諸脉知其為虛症矣傷寒論云身如蟲行汗多亡陽也
遂做此例而用補中益氣湯多加參芪以酒炒黃栢五分
佐之服至二三十貼遂愈孫杲年二十餘病效嗽嘔血盜

欽定四庫全書

石山醫案

汗或腸鳴作泄午後發熱居士往視其脉細數無復倫次
因語之曰難經云七傳者逆經傳也初因腎水涸竭是腎
病矣腎邪傳之于心故發熱而夜重心邪傳之于肺故效
嗽而汗泄肺邪傳之于肝故脇痛而氣壅肝邪傳之于脾
故腸鳴而作泄脾邪復傳于腎而腎不能再受邪矣今病
兼此數者死不出旬日之外矣果如期而逝埜山汪盛妻
年踰四十形色蒼紫忽病血崩諸醫莫治或用涼血或用
止澁罔效居士察其六脈皆沈濡而緩按之無力以脈論



之乃氣病非血病也當用甘溫之劑健脾理胃庶幾胃氣
上騰血循經絡無復崩矣遂用補中益氣湯多加參芪
兼服參苓白朮散崩果愈汪氏子形瘦而脆色白而嫩年
踰二十將治裝他出居士診視良久乃語之曰某時病
將至矣書寸楮遺之蓋欲其止也彼不以為然後果如
期病不起逢村王恕年二十餘因水中久立過勞病疝
痛痛時腹中有磊塊起落如滾浪其痛尤甚居士診其
脈皆弦細而緩按之似瀉曰此血病也考之方書疝有

欽定四庫全書

石山醫案

七皆不宜下所治多用溫散之藥以氣言也茲宜變法
治之乃用小承氣加桃仁下之其痛如失三日痛復作
比前加甚脈之輕則弦大重則散瀉思之莫得其說問
曾食何物曰食雞卵二枚而已曰已得之矣今以指按
喉中吐出令盡而痛解矣黃豹年踰六十病氣喘顧謂
其子曰願得石山先生來吾無憾矣其子夤夜昇至視
其脈皆縈縈如蛛絲問曰吉凶何如居士久之若有難
于言者彼悟曰吾不濟矣是夜書訖標書五紙付其子



而逝大坑方細形瘦年三十餘忽病腹痛磊塊起落如
波浪然晝輕夜重醫用木香沉香磨服及服六君子湯
皆不驗居士診其脉浮緩弦小重按似瀋曰此血病也
前藥作氣治謬矣彼謂血則有形發時雖有磊塊痛減
則消而無迹非氣而何蓋不知有形者血積也無形者
血滯也滯視積畧輕耳安得作氣論邪若然則前藥胡
為不驗遂用四物湯加三稜蓬朮乳香沒藥服之痛遂
脫然一婦形長色紫姙五月矣托居士脉之以別男女

欽定四庫全書

石山醫案

曰脉右大于左脉訣云左大為男右大為女今脉右大
當是女邪彼則喜曰我男胎矣往歲有姙時尊甫先生
診之亦謂右脉浮大當是女孕後生男今姙又得是脉
可知為男矣後果生男居士曰脉書但道其常莫能盡
其變此醫所以貴乎望聞問切也九江鈔廠主事鄭君
希大瘦長而色青白性急剛果年三十餘病反胃每食
入良久復出又噯又嘔但不吐耳或作氣治而用丁香
藿香或作痰治而用半夏南星或作寒治而用姜附藥



俱罔効居士脈之皆緩弱稍弦曰非氣非痰亦非寒也
乃肝凌脾之病經云能合脈色可以萬全君面青性急
肝木甚也脈緩而弱脾土虛也遂用四君子湯加陳皮
神曲少佐姜炒黃連以泄氣逆服月餘而愈鈔厥陳庫
子其父老年患背癭居士診視脈洪緩而濡癭腫如椀
皮肉不變按之不甚痛微發寒熱乃語之曰若在臍脾
經絡交錯皮薄骨高之處則難矣今腫去脾骨下掌許
乃太陽經分尚可治遂用黃耆五錢當歸羌活甘草節
欽定四庫全書
石山醫案
各一錢先令以被蓋暖藥熟熱服令微汗寢熟腫消一
暈五服遂安時居士舟去半日其子駕小艇載鶩米追
及拜曰吾父更生故來謝耳居士弟樟之妻瘦長色蒼
年三十餘忽病狂言披髮裸形不知羞惡衆皆謂為心
風或欲飲以糞清或欲吐以痰藥居士診其脈浮緩而
濡乃語之曰此必忍饑或勞倦傷胃而然耳經云二陽
之病發心脾二陽者胃與大腸也忍飢過勞胃傷而火
動矣延及心脾則心所藏之神脾所藏之意皆為之擾



亂失其所依歸矣安得不狂內傷發狂陽明虛也法當
補之遂用獨參湯加竹瀝飲之而愈福州李俊年三十
餘忽病渴熱昏悶面赤倦怠居士診之脉皆浮緩而弱
兩尺尤甚曰此得之色欲藥宜溫熱其弟曰先生之言
誠是也但病熱如此復加熱藥惑矣居士曰寒極生熱
此症是也腎虛寒者本病也熱甚者虛象也譬之雷火
雨驟而火愈熾日出火斯滅矣遂以附子理中湯煎熟
冷服三貼熱渴減半再服清暑益氣湯十餘貼而安李

欽定四庫全書

石山醫案

一之年近四十病反食與近鄰二人脉病頗同居士曰
二人者皆急於名利惟一之心寬可治遂以八物湯減
地黃加藿香為末用密韭汁調服而愈二人逾年果沒
一之妻病痢瘦弱久伏牀枕粥食入胃即腹痛嘔吐必
吐盡所食乃止由是粒食不下嚥者四十餘日醫皆危
之居士診曰病與脉應無慮也不勞以藥惟宜飼以米
餘使胃常得穀氣白露節後病當獲安如期果愈其侄
春年十七時秋間病酒視為小恙居士診之曰脉危矣



彼不為然別請醫治而愈惟遍身瘡癩十月間復召詣
之其姪出揖以示病已獲安意謂向之診視欠精也復為診
之曰不利于春至立春果卒汪世昌形肥色紫年逾三
十秋間病惡寒發熱頭痛自汗惡心咯痰惡食醫以瘧
治居士診之脉浮濡而緩右寸畧弦曰非瘧也此必過
勞傷酒所致飲以清暑益氣湯四五服而愈九都許僖
形魁偉色黑善飲年五十餘病劬如注嗽喘不能伏枕
醫以四物湯加麥門冬阿膠桑白皮黃栢知母進之愈

欽定四庫全書

石山醫案

甚居士診之脉大如指脉訣云鼻衄失血沉細宜設見
浮大即傾危據此法不救所幸者色黑耳脈大非熱乃
肺氣虛也此金極似火之病若補其肺氣之虛則火自
退矣醫用寒涼降火之劑是不知素問亢則害承乃制
之旨遂用人參三錢黃耆二錢甘草白朮茯苓陳皮神
曲麥門冬歸身甘溫之藥進之一貼病減十貼病痊後
十餘年復診之語其子曰越三年壽止矣果驗一婦長
瘦色黃白性躁急年三十餘常患墮胎已七八見矣居



士診之脉皆柔軟無力兩尺雖浮而弱不任尋按曰此因胎墮太多氣血耗甚胎無所滋養故頻墮譬如水涸而禾枯土削而木倒也況三月五月正屬少陽火動之時加以性燥而激發之故墮多在三五七月也宜大補湯去桂加黃栢黃芩煎服仍用研末蜜丸服之庶可保全服半年胎果固而生二子一婦年踰三十久瘧瘧止有妊五月忽病腹痛泄瀉頭痛發渴右脉浮滑左則細滑居士以四君子湯加石膏黃芩煎服二貼頭痛泄瀉

欽定四庫全書

石山醫案

雖除又加肛門脹急其夫欲用利藥居士曰耐煩二日候胃氣稍完然後以四物湯加酒大黃檳榔利三四行脹急稍寬再服枳朮丸加黃芩歸身一料病去而胎亦無損一女年十五病心悸常若有人捕之欲避而無所也其母抱之於懷數婢護之于外猶恐恐然不能安寢醫者以為病心用安神丸鎮心丸四物湯不效居士診之脉皆細弱而緩曰此膽病也用溫膽湯服之而安居士之甥王宦體弱色脆常病腹痛惡寒發熱嘔泄踈卧



時或吐蟲至三五日或十數日而止或用丁沉作氣治
或用姜附作寒治或用消尅作積治或用燥烈作痰治
罔有效者居士診視脉皆濡小近駛曰察脈觀形乃氣
虛兼鬱熱也遂用參耆歸朮川芎茯苓甘草香附陳皮
黃芩芍藥服之而安或曰諸痛不可用參耆并酸寒之
劑今犯之何也曰病久屬鬱鬱則生熱又氣屬陽為表
之衛氣虛則表失所衛而賊邪易入外感激其內鬱故
痛大作今用甘溫以固表則外邪莫襲酸寒以清內則

欽定四庫全書

石山醫案

鬱熱日消病由是愈胡本清甫形肥色紫年踰七十忽
病瞶昧但其目系漸急即合眼昏憒如瞌睡者頭面有
所觸皆不避少頃而甦問之曰不知也一日或發二三
次醫作風治病加重居士診其脉病發之時脉皆結止
甦則脈如常但浮虛耳曰此虛病耳蓋病發而脈結者
血少氣劣耳甦則氣血流通心志皆得所養故脈又如
常也遂以大補湯去桂加麥門冬陳皮補其血氣而安
三子俱邑庠生時欲應試而懼居士曰三年之內保無



恙也越此非予所知果驗石門陳柰形短頗肥色白近
蒼年踰二十因祈雨過勞遂病手足痠癱如小兒發驚
之狀五日勺水不入口語言艱澁或作痰火治或作風
症治皆不驗居士視之脉皆浮緩而濡按之無力曰此
因勞倦傷脾土極似木之病也經云亢則害承乃制是
矣夫五行自相制伏平和之時隱而不見一有所負則
則所勝者見矣今病脾土受傷則土中之木發而為病
四肢為之痠癱也蓋脾主四肢風主動故也若作風痰

欽定四庫全書

石山醫案

治之必致于死惟宜補其脾土之虛則肝木之風自息
矣遂以參朮為君陳皮甘草歸身為臣黃栢麥門冬為
佐經云泄其肝者緩其中故用白芍為使引金泄木以
緩其中一服踰宿遂起服至十餘貼全安陳校瘦長而
脆暑月過勞飢餘燒酒遂病熱汗昏憒語亂居士視之
脈皆浮小而緩按之虛豁曰此暑傷心勞傷脾也蓋心
藏神脾藏意二藏被傷宜有此症法宜清暑以安心益
脾以寧意遂用八物湯加麥門冬山梔子陳皮煎服十



餘貼而愈竹園陳某形瘦而蒼年踰五十居士診視其
脉皆弦濇而緩尺脉浮而無根曰尺脉當沉而反浮所
主腎水有虧其餘脉皆弦濇而緩者弦脉屬木濇為血
少緩脉屬脾以脉論之似係血液枯槁而有肝木凌脾
之病非膈則噎也問之胸膈微有礙曰不久膈病成矣
病成非藥可濟後果病膈而卒陳銳面黑形瘦年三十
餘患鼻衄發熱惡寒消穀善飢疲倦或自汗嘔吐居士
診之脉細且數約有六至曰丹溪論瘦黑者鼻衄者脉

欽定四庫全書

石山醫案

數者參芪皆所當禁固也然不可執為定論脉經云數
脈所主其邪為熱其症為虛宜人參三錢黃耆二錢生
甘草陳皮黃栢白朮歸身生地黃山梔子生芍藥通為
佐使服之果安南畿提學黃公年四十餘洩精久之神
不守舍夢亂心跳用清心蓮子飲無効又取袖珍方治
小便出髓條藥服之又服小兔絲子丸又服四物加黃
栢俱無効居士診視一日之間其脈或浮濡而駛或沉
弱而緩曰脉之不常虛之故也語曰無而為有虛而為



盈難乎有恒此之謂乎其症初因腎水有虧以致心火
亢極乘金木寡于畏而侮其脾此心脾腎三經之病也
理宜補脾為主兼之滋腎養心病可痊也方用人參為
君白朮茯苓神麥門冬酸棗仁山梔子生甘草為佐蓮肉
山查黃栢陳皮為使其他牡蠣龍骨川芎白芍熟苧之
類隨其變症而出入之且曰必待人參加至五錢病脫
公聞言疑信相半服二十餘日人參每服用至三錢澹
精覺減半矣又月餘人參加至五錢病全減公大喜曰

欽定四庫全書

石山醫案

初謂人參加至五錢病脫果然醫其神乎凡此皆活法
非定方也其妙如此殆非心通造物而執其死生之柄
者歟居士所著有重集脉訣刊誤二卷內經補註若干
卷本草會編若干卷惠及後學尤為不淺然非通儒者
敢望其門牆也哉

論曰醫之用藥如將之用兵苟非其人則殺傷衆矣悲
夫昔鄧禹常歎曰吾統百萬之衆未嘗妄殺一人後世
必有興者居士不惟不誤殺而已且能起病之垂死者



<p>無慮數千百人其子孫又當何如雖然居士有道者豈 為是而為之者耶 右傳借觀者衆因不能應故共 與梓之</p>	<p>嘉靖二年四月望日門人 <small>周臣</small> 許忠 謹識</p>	<p>欽定四庫全書</p> <p>石山醫案</p>	<p>石山醫案附錄</p>
---	---	---------------------------	---------------

